

በዓል ጥምቀት፡ የ-ም 19 የናይሮ እት ክለ ዐድ እብ ነያረት ተዐየደ



ሰነድ ጥምቀት

እት መዲነት አስመረ እት ገአ እብ አላፍ ለልትዐለቦ ቱልየት ዲን ክስታን ለሻረከው እት ዓደት፡ እት ፈርወንተር ናይለ በዓል እብ ማርሐት ስክርቴር ቅዱስ ሲኖዶስ ወጳጳስ አቅሊም ምግብ ብጽእ አቡኔ ጴጥሪስ ቅዳሴ ወወዘ ወመሓደረት ሆየበ።

ሐቆ እሊ ማሌ ለህ እስቡሕ እብ ማርሐት ብጽእ አቡኔ ጴጥሪስ ወሊቃውንት እት ዙርያ በሕሬ ጥምቀት ጸሎት ገአ። እት በዓል፡ መምህር ኤልያስ ሀብታይ ታሪክ በዓል ጥምቀት ለሽሰስ ወወዘ አስመወ። ከሆነት ህዩ ለበዓል ኸሰስ አናሺድ ቀደመው።

እት መናሰበት፡ መመቅረሓይ ሸቁል እዳረት አቅሊም ምግብ አሰይድ ዘርኢት ተወልዱብርሃን ውበዕዳም ወቁላም ሰብ-ሰልጠት ሕክሙት ወወዘመት ለገአት እሎም ጋሻ ሓድራም ዐለው።

መድረት ሴድየት ኔርስ ባርንቶ ደረሰህ ተድሕር

መድረት ሴድየት ኔርስ ባርንቶ፡ 36 አዋልድ አንሳት ለልትረከበ እቶም 48 ደረሳይ እት የ-ም 17 የናይሮ አድሐረት።

እት ዓደት፡ መዳርሊ መድረት መምህር ቶማስ ዘርእማርያም እት አስመዐየ ክሊመት፡ እብ ሸርሕ ወፍዕል እግል ዝያድ 10 ወርሕ ድራሰት ክም ታበወው እት ሸርሕ፡ እት አክዶት አድመኖት ዓፍየት ሙጅተመም እብ መትሰባል እግል ልሸቀው ለቡተ ሰእየት ሸርሐ።

መመቅረሓይት መዳርስ ሴድየት ኔርስ እት አቃሊም ሲሰተር ቅዱሳን አብርሃ እብ ተረተ፡ ወዛረት ዓፍየት ባቅዓም ወመቅደረት ለዐም ሰብ-ምህንት ዓፍየት እት ክሉ ደረጃት እግል አክዶት ፊራሮ ዐባይ እንዴ ወዴት ትክድም ክም ህሌት እት ሸርሕ፡ መድረት ሴድየት ኔርስ ባርንቶ አሰክ እለ 754 ሰብ-ምህንት እንዴ አድሐረት፡ መአሰሳት ዓፍየት ለጠልባህ መቅድረት አዳም እት ወጀዶት ተረት ዛይዶት ተአገዴ ክም ህሌት አፍህመት።

እት ወዛረት ዓፍየት ናይ ዶሉ መስኡል ቅስም ሰያሰት ወስታት

ጠወሮት መቅደረት አዳም ዶ/ር ብርሃኔ ደብሩ ህዩ፡ ምህንት ራዐየት ሕሙም እት ከደማት ሕክምን ሕሹም ወአካን ዐባይ ክም ትትህየቡ እት ሸርሕ፡ ለትደሕረው እት ዓፍየት ሐማይም ለዐምቱ ዶር እንዴ ፈህመው፡ መቅደረት ወበቃዐት ዓፍየት ከደማት ዐድነ እግል አትሓያስ እት ገብእ ጅህድ ሐዙቶም እግል ለአግዱ አትፋቀደ።

ወከለትለ ደሕረው እት አስመዐተ ክሊመት፡ እብ ሚዛንየት ብዝሕት እግል አድረሰም ሕክሙት ወሙጅተመም እብ ሸቁል ፈኮም ክም ፈድዎም ገለድ በአት።

እት ደንገቡ፡ ምን መልህያም እግል ፈደበው ምን መመቅረሓይ ሸቁል እዳረት እቅሊም ጋሽ-በርክ አሰይድ ዑመር መሐመድ ጀዋእዝ ልትከበቶ እት ህለው፡ ለትደሕረው እብ ዓመት ምን ናይ ዶሉ መስኡል ቅስም ሰያሰት ወስታት መቅደረት አዳም እት ወዛረት ዓፍየት ዶ/ር ብርሃኔ ደብሩ ሸሃዳት ትከበተው።

ፈንቅል መንገአት ሕርየት

“ፈንቅል መንገአት ሕርየት” እት ሐንቴለ ትብል ስቅራት ዝክረት ኢዮቤል ፍዲ ዐመልየት ፈንቅል እብ ነያረት እግል ትትዐየድ፡ መዳሊት ፋይሕ እት ገብእ እቱ ህለ ወክድ፡ ሰካን መዲነት ባጽዕ ለዒድ እግል ልግመል ወጋሻሆም እግል ልትሐደሮ ወድወ ለዐለው መዳሊት ለአትራተዖ ክም ህለው ሐበረው።

ለሰካን እት እሉ ሀበው ረአይ፡ ክ’መ መንገአት ሕርየት እግል ትትከሰት ለገአ ንዓል፡ ዐቦት እቅትሳድ’መ እግል አክዶት መዳሊቶም እግል ዝያድ ፍገሪት ዋድያም ክም ህለው አክደው።

እግለ እሕትፋል፡ ዳሳት መዐየ እንዴ ገአ፡ ነዳፊት ወግርመት መዲነት እንዴ ተሐፊዘት ጋሻሆም እግል ልትሐደሮ ዱሉያም ክም

ህለው ሸርሐው።

ሰካን መዲነት ባጽዕ እት ደንገቡ፡ እሕትፋል ዝክረት እዮቤል ፍዲ ዐመልየት ፈንቅል፡ ፍገሪትለ እት ወራታት ብናእ ለሰርገልናሆም ካድም እት ነአዳወር እት ህሌን መደት እበ አሮ እንክር፡ እበ ትሰርገለ በራምጅ ዐማር ሙስተቅበል ባርህ እት ነአትቃምት እቱ ለህሌን ወክድ እ’በ ብዕድ እንክር ትትዐየድ ሰበት ህሌት ፍንቲት ክምበ እት ሸርሕ፡ አቅሊም ቅብለት በሐር ቀየሕ እት መደት ንዓል ሙሰለሕ ህጃማት ፋይሕ ለገአ እቱ ሰበት ቱ፡ እትሊ 25 ሰነት ምን ደረጃት ደማር ካምለት እት ሰእየት ለበ ደረጃት ዐቦት ዕዱይ ሰበት ህሌ፡ እሊ ፍገሪትለ ገአ ጅህድ ሕበር ክምቱ አፍህመው።

ሳምን ሸባባት አቅሊም ጋሽ በርክ ወውላየት ከሰለ ተመት

እት የ-ም 17 የናይሮ እት መዲነት ባርንቶ ለገአ ሳምን ሸባባት አቅሊም ጋሽ-በርክ ወውላየት ከሰለ ሱዳን እት የ-ም 19 የናይሮ እብ ነያረት ተ’መ።

ለገአ ሳምን ሸባባት እብ መጀብ ሀደፋ ሰርጉል ወእግለ ሕሰት ዐላቀት ወሰደይት መንገአት ለከሰተ ክም ዐሉ፡ መስኡል መሕበር ወጠን ሸባባት ወደረሰ ኤርትራየ አቅሊም ጋሽበርክ ሻብ ግዴ ሰቃር ወእት ሕዝብ ሙእተመር ወጠኒ መስኡል ሸባባት ሻብ ሃምበሊ ማሊክ አቡበከር እግል ኤሪና እት ሀበው ሐብሬ ሐበረው።

ህቶም እንዴ አትለው፡ ናይ ክልኢቱ አቃሊም ሐሸምት ሰኒ ጽበዋ ክም ቀደመው፡ ናይ ሱዳን ሐሸም ሸባባት እት መቃብር መሐርበት ባርንቶ ሸትለት ሸሂድ ክም ሸትሉ፡ እግል ሸዐብ መዲነት ሰነይ ህዩ ናይ ሕበር ዕፌ ዓዳት ክም ቀደመው ሸርሐው።

እምበል እሊ፡ እት ናይ 100 ወ400 ምትር ሰዐይ ገብእ እት ህሌ፡ እት ኩረት እገር ህዩ እግል ሸባባት አቅሊም ጋሽ-በርክ ለወከለ

ፊሪቅ 2 እብ 1 ክም ተዐወተ ወከል ኤሪና ሐበረ።

እት እግል 3 አምዕል ለአተላለ በርናምጅ፡ ሸባባት ክልኢቱ አቃሊም ዐላቃት ገባይል ኤርትራየ ወሱዳን ለሸርሕ ለትፈናተ ጽበዋ ሐቀለ ቀደመው፡ ስክርቴር ጀብህት ሸዕብየት እግል ደመቅራጥየት ወዐዳለት አሰይድ ረዘኔ አዶናይ ወናይብ ርኢስ ሕዝብ ሙእተመር ወጠኒ ሱዳን ወላየት ከሰላ አሰይድ መላሊ ወሃጅ መላሊ እትለ ቀደመወ ክሊመት፡ እብ ናይረት ገበይ እብ

ዐውቱ ለተመ ሳምን ሸባባት ክል ኢቱ አቃሊም ተአምርተ ናይለ ፍንጌ ገባይል ኤርትራየ ወሱዳን ለህሌት ታሪካይት ሐትነት ወዐላቀት ክምቱ እንዴ አሸረው፡ እንቡት ለህለ መሰል ሰኔት መባደራት እብለ ትወቀለት ደረጃት እግል ልተላሌ ወእትለ ፈይሐ በራምጅ ሕበር እግል ልትዐዴ አትፋቀደው።

እት ደንገቡ፡ እት ገአ ጅግረ ለተዐወተው ጀዋእዝ እግል ሙሽተርከት ህዩ ሸሃዳት ወህያብ ተህየበ።



ታሪክ ሐያት ምሔርባይ ሙናድል ብሪጋደር ጀነራል ገብረሂወት ዘሚካኤል (ወዲ-ሊቄ)



ዲብ ዮም 13 የናይሮቢ እብ አመተ ኢተአመረት ሕማም ዲብ 59ይት ሰነት ምን ፅምሩ ለአስተሳሰብ፡፡ ብሪጋደር ጀነራል ገብረሂወት ዘሚካኤል (ወዲ ሊቄ) ዲብ ሰንበት ንኢሽ ዮም 17 የናይሮቢ2015 ህዬ ርኢስ እሰያስ አፈወርቁ፡፡ ወቅላም ሰብ ሰልጠት ሕኩመት ወጀብህት፡፡ ቅያደት ጄሽ፡፡ ሚርሐት ደያናት ዓይለቱ ክምሰልሁ መሸብ ወጄሽ ዲብላ ሐድረው እተ መናሰበት አሰክ ዳር አማኑ ትሳረሐ፡፡ እብ መሰሉል ሀይአት አርካን ቅዋት ድፈሪ ኤረትርዮ ጀነራል ፊሊጶስ ወልደዮሃንስ ለትቀረኦ ሐጪር ታሪክ ሐያት ሽሂድ ብሪጋደር ጀነራል ገብረሂወት ዘሚካኤል (ወዲ ሊቄ) ህዬ እሊ ለተሌተ፡፡

ክፈል ጄሽ ህዬ ዲብ ክፈል ጄሽ 52 ኮሚሳር ብርጌድ 45 እንዴ ገብኦ ትዮመመ፡፡ ሙናድል ወዲ ሊቄ እግል ሰስ ሰነት ዲብ ክፈል ጄሽ 52 ወ61 እብ ደረጃት ቃእድ ብርጌድ ፍርሰነት ወመቅደረት ማርሐቱ ዲብ ሽህደ እቱ መዓርክ ብዙሕ ሐቀለ ሻረኩ፡፡ ዲብ ሰነት 1990 ቃእድ ክፈል ጄሽ ገብኦ፡፡ ምን ሰነት 1990 አሰክ 1993 ህዬ እብ ደረጃት ቅያደት ክፈል ጄሽ ዲብ ክፈል ጄሽ 96 ወ88 እብ መትሰባል ዛይድ እግል ሽዕቡ ወደውለቱ ከድመ፡፡

ሽሂድ ብሪጋደርል ጀነራል ገብረሂወት ዘሚካኤል ሐቀ ሕርየት ምን ሰነት 1994 አሰክ 1998 ዲብላ ዐለ ስኒን ዲብ ኮራት 491፡ 271፡161፡ እብ ደረጃት መሰሉል አርካን ክፈል ጄሽ ሐቀለ ሸቀ፡፡ ምን ሰነት1998 አሰክ 2006 ዲብ ክፈል ጄሽ 16፡36፡23 እብ ደረጃት ቃእድ ክፈል ጄሽ እብ መትሰባል ለሻረክ ምሔርባይ ቱ፡፡

ሽሂድ ብሪጋደርል ጀነራል ገብረሂወት ዘሚካኤል ዲብ ክሉ ናይ ንዳል ታሪኩ ምን ጄሽ ሕራብት ኢትፈንተ፡፡ እብሊ ህዬ ለሻረክ እቱ ሐርብ ብዙሕ ቱ፡፡ እግል ሰልፍ ወቅት ዲብ ሰነት 1973 ዲብ ሐርብ ኖሰያስ ዐድ ሹመ ለናይ ሐርብ ሐያቱ አምበተ፡፡ ሐቀ እሊ ዲብ ሰነት 1974 ዲብ ሐርብ አድሕር ወኪ ዛግር ክምሰልሁመ ዲብላ ሰነት ለህ ዲብ አልጌን ቅብላት ጄሽ አቶብዩ ዲብላ ገብኦ ሐርብ፡፡ ዲብ ሰነት 1975 ህዬ፡፡ ዲብ ሐርብ በለዙ ዘመር፡፡ ዐዲ ሐወሽ፡፡ እብ ደረጃት ዓዲ ምሔርባይ ሻረኩ፡፡ ዲብ ሐርብ ዘለምበሰ 1976 ህዬ እብ ደረጃት ኮሚሳር ፊሊጶስ ሻርክ እት ህላ፡፡ ዲብ ሐርብ ተሕሪር መዲነት ደቀምሐራ ወህጃማት ሰሓርቲ፡፡ 1977 እብ ደረጃት ቃእድ ሰርየት እንዴ ሻረክ ፍርሰነቱ ወመቅደረቱ አርኦ፡፡

ምሔርባይ ወዲ ሊቄ ዲብ መደት እስትራተጂያይ እንሰሓብ ምን 1978 አሰክ 1979 ዲብ ሕራብት ግርሁ ሰርናይ፡፡ መቐርኩ ዓለበርዕድ፡፡ ገንፈሎም፡፡ ወጀብህት ነቅፈ፡፡ ሐቀ እሊመ ዲብ ክሉ ሸፍ ሳድስ ወርታር ወስቱር ወራር ክምሰልሁመ እት ህጃም መዲነት ሰነይ እብ ደረጃት ቃእድ ቦጦሎኒ ሐቀለ ሻረኩ፡፡ ቃእድ ብርጌድ እግል ልግበእ ቀድረ፡፡ እብላ ርትብት እሊ ህዬ ዲብ ሰነት 1985 ዲብ ሐርብ ኮይተ ወመሓዘ ዐንሰቡ፡፡ ዲብ ሰነት 1988 ዲብ ዐመልየት ተድሚር ናደው እዝ ወመዓርክ ጀብህት ከረን፡፡ ዲብ ሰነት 1990 ህዬ ዲብ



ዐመልየት ፈንቅል ወመዓርክ ጀብህት ግንደዕ እብ መትሰባል ዛይድ ብዙሕ መዓርክ መርሐ፡፡ ዲብ ተሕሪር መዲነት አሰመረ ህዬ፡፡ እብ ደረጃት ቃእድ ክፈል ጄሽ እንዴ ሻረክ ንዳሉ እግል ተሕሪር አትመመ፡፡

ምሔርባይ ገብረሂወት ዘሚካኤል ክምሰል ክሉም ምሔርባይ መልህያመ፡፡ ሐቀ እስትቅላልመ ኢዓረፈ፡፡ ዲብ ሰነት 1997 ዲብ ሐፈር ቅብላት ጀሃድ ዲብላ ገብኦ ሐርብ ሻርክ እት ህላ፡፡ ምን ሰነት 1998 አሰክ 2000 ንዛም ወያኔ ሰያደት ኤረትርዮ እንዴ ኬደ ዲብላ ሀረሰፍ ሰለስ ወራራትመ መቅድረት ማርሐቱ ወፍርሰነቱ እብ ድግማን ለአከደ እቱ ምስትንክር ለአርኦ ሰቡል ምሔርባይ ቱ፡፡

ዲብ እሊ ብዙሕ ሕራብት ምሔርባይ ወዲ ሊቄ ዲብ ሐርብ በለዘ 1975 ዲብ ክልኦት ተሓትያይ ቃራቱ፡፡ ዲብ ሐርብ ሰሓርቲ 1977 ዲብ ድማናይ እግሩ፡፡ ዲብ ሐርብ ግርሁ ሰርናይ 1978 ድማናይት ጭብዕቱ ዲብ ሐርብ ጀብህት ነቅፈ ዲብ ደገለባይ መጋቡ ክቡድ ወቀሊል ሐክር ሳደፈ፡፡

ሽሂድ ምሔርባይ ገብረሂወት ዘሚካኤል ዲብ እሊ ለተህደገ መቅድረት ዛይደት ለጠልብ ሰዱድ አውካድ፡፡ እብ ክሉም መልሂቱ ሰኒ ፍቱይ ወሕመድ መለሀይቱ ለዐለ፡፡ ምሔርባይ ገብረሂወት፡፡ ምን

ዓዲ አሰክ ቃእድ ወቁል እንዴ ገብኦ ዲብላ ናደለ እቱ እዋን፡፡ ዲብ ዐስከርያይ ወናይ ንዳል ተጃርቡ ለሰድዩ ለትፈናተ ኮርሳት ናሰኡ፡፡ እት ረከሰ እሊ ዲብ መድረሰት ካድር ለነሰለዩ ናይ ሰያሰት ፈልሰፈት ዲብ ሰነት 1979 ዲብ ነቅፈ ተእሂል ተዕለም ዕለም ዐስከሪ ወክሪጠት፡፡ ዲብ ሰነት 1985 ዲብ አራግ ብሰር ሐርብ ወተዕለም ከሪጠት፡፡ ዲብ ሰነት 1987 ዲብ አካዳምየት ዐስከርየት ኢብራሂም ዓፈ ናይ ዙግዋ ተድራብ፡፡ ሐቀ እስትቅላል ህዬ ዲብ ሰነት 1997 ዲብ ብሪግዳ ናይ ሉቀት ምህሮ ታብዐ፡፡

ሽሂድ ብሪጋደር ጀነራል ገብረሂወት ዘሚካኤል (ወዲ ሊቄ) በዐል ጸው ወብ 3 ውላድ ቱ፡፡

ክእነ ላቱ እግል ወጠቱ ዐባይ ወቃልየት ምህነት ለቀደመ ምሔርባይ እግል ዲመ እብ ሕሽመት ዲብላ እንሳራሕ እቱ ለህሌነ ወክድ በገ፡፡ ክምሰል ወጠኒየን ለልሰመዐን አሰፍ፡፡ እብ መጀቡ ለልሰመዐን ሐዘን ቅያስ አለበ፡፡ ሕኩመት ኤረትርዮ፡፡ እብ እስትሸሃድ ገዲም ወሰቡል ምሔርባይ ብሪጋደር ጀነራል ገብረሂወት ዘሚካኤል (ወዲ ሊቄ) ለሰመዐየ ሐዘን ዲብ ሸርሐ፡፡ እግል ዓይለቱ ወክሉ ሽዕብ ኤረትርዮ “ኤማን ለሀቡም” ትብል፡፡ ገዢ ዲመ እግል ሹህዳነ! ዐውቱ እግል ገዢል!

ዮመቱ እሊ ደውለት ምን አፍሬቶም ፍቱያም፡፡ እሙራም፡፡ ሕሙዳም ፍራስ ምሔርባይ እብ መሰል ሰነት ለልትሰሚ ሕሽም መለሀይ፡፡ እብ ሐበን እንሳራሕ ህሌነ፡፡ ሙናድል ብሪጋደር ጀነራል ገብረሂወት ዘሚካኤል (ወዲ ሊቄ)፡፡ ዲብ ሰነት 1956 ምን አሰይድ ዘሚካኤል ገብረትንሳኤ ወአሰይደ ግደይ ሀብቱ ዲብ እምባደርሆ ለትወለደ መለሀይ ገብረሂወት ዘሚካኤል (ወዲ ሊቄ) ምን 59 ሰነት ዕምሩ፡፡ 42 ሰነት እግል ንዳል እግል እግል እስትቅላል ወሰያደት ወጠን እንዴ ሰበላ፡፡ እብ ዛይደት ፍርሰነት ወበታኩት ለናደለ መዋዋን ቱ፡፡ ሙናድል ገብረሂወት ዘሚካኤል አሮ ምን ዲብ ንኡሽ ዕምሮም ዲብ ሰውረት እንዴ ፈግረው ታምም ዕምሮም እግል ሀደፍ ሽዐም ለሰበለው፡፡ አሰክ ኢነት ወፋቶም፡፡ ዐሽም ሽዐብ ዲብ መባጽሐ እግል አብጸሐት እምበል ሕላሌ ለናደለው፡፡ ድቁብ ፍቲ ወጠን ወሽዐብ፡፡ ፍርሰነት፡፡ በታኩት ወዕሽረት ለእሻረቱ ሰዋልፍ ለመልኮ

ኤረትርዮን ሙናድሊን ቱ፡፡ ምሔርባይ ወዲ ሊቄ ወድ 17 ሰነት ደረሳይ 8ይ ፊሰል እት እንቱ እብ ዛይድ ሽዐር ወጠን ወዐሽም ሕርየት ሰበት ዜደ እቱ፡፡ ዲብ ዮም 2 አክቶበር 1973 ዲብ ቅ.ሸ.ተ.ኤ. አልተሐቀ፡፡ ዋጅብ ምህሮ ሰያሰት ወዕስክርየት ሐቀ ነስኦ ህዬ፡፡ ዲብ ኖሽምበር 1973 ዲብ ምሔርባይ ጄሽ ትረተብ፡፡ ዲብላ ትፈናተ ውሕዳት ዓዲ ሙናድል እንዴ ገብኦ ዲብላትፈናተ ሕራብት ሐቀለ ሻረኩ፡፡ ዲብ አክቶበር 1975 ኮሚሳር ፊሊጶስ ገብኦ፡፡ ሐቀ እሊ ዲብ አፕሪል 1977 ዲብ ብርጌድ 51 ኮሚሳር ሰርየት እንዴ ገብኦ ትረተብ፡፡ አሰክ አጎስት 1978 እብ ደረጃት ቃእድ ሰርየት ሐቀለ ሸቀ ህዬ፡፡ ዲብላ ብርጌድ ቃእድ ቦጦሎኒ እንዴ ገብኦ ትረተብ፡፡ ዲብ ተእሰሰ

ጸረትርዮ ዐጽዳሽ

ክል አርቡዕ ለትጠ'በዕ ጀሪደት

መዳልያይ፡
መሐመድ እድረስ መሐመድ
ናይብ መዳልያይ፡
አድም ሳልሕ (አቡሐሪሽ)
ለይ-አውት፡
ዳሃብ ዳዊት
ተለፎን፡ 121797
ፋክስ፡ 127749፡ ዕ.ሰ.ቡ፡ 247
ተውዝዕ ጀሪደት፡
ተለፎን፡ 200454
ኢትአመሮት፡
ተለፎን፡ 125013፡ ዕ.ሰ.ቡ፡ 1284
E-Mail: tigreit@zena.gov.er

ዓደት-ቀብር ገዲም ሙናድል ብርጋደር ጀነራል ገብረሂወት ዘሚካኤል (ወዲ-ሊቄ)

እት የም 13 የናይሮ እስትሽሃድ ገዲም ሙናድል ብርጋደር ጀነራል ገብረሂወት ዘሚካኤል (ወዲ ሊቄ) እብ ወሳኔል እዕላም ክም ትሰመዐ፡ ለኢደንገጸ ወለደሐዝ ወእብ ቅባሉመ ለኢትሐብን መዋጥን ኢዐለ። ዲበ ሐጨር ታሪክ ሐያቱ ክመ ሽርሕ ለሀለ፡ ገዲም ሙናድል ብርጋደር ጀነራል ገብረሂወት ዘሚካኤል እት ሰነት 1973 ቱ ዲብ ቅዋት ተሕሪር ሽዕብዩ ለፈግረ። አስክ አምዕል ሕርየት ሀይ፡ ምን ዓዲ ምሕርባይ አስክ እብ ደረጀት መስኩል ክፈል ዲሽ፡ ሐቆ ሕርየት ሀይ፡ እብ ደረጀት ቃይድ ክፈል ዲሽ ወመስኩል ቅያደት ዲሽ ሽዕቢ፡ እት አድመኖት ስያደት ወጠን ልግበእ ወሰርገሎት በራምጅ ዐማር እብ መሰል ሰኔት ለናደለ ወለእናደለ እብ መትሰባል ወፍቲ ወጠን ውቅል ለከድመ ምሕርባይ ተ።

ዓደት ቀብር፡ ገዲም ሙናድል ብርጋደር ጀነራል ገብረሂወት

ዲመቅራዊት ወዐዳለት አሰይድ አልአሚን መሐመድ ሰዒድ፡ እብ ሰም ውብረት ድፊዕ ቃይድ ዓም ሀይኡት አርካን ቅዋት ድፊዕ ኤረትርየ ጀነራል ፊሊጾስ ወልደየውሃንሰ፡ ክምሰልሁመ ምን መሓብር ወጠን፡ አቃርቡ ወጸዋሁ እት ረእስ ቀብር ሽሂድ፡ ዕምባታት ትክረ። ወዲ ሊቄ ምሮት ምን ደውለት ወሽዐበ ለልትሐብኖ እቦም ፍራስ እት ገብእ፡ ምሰል ንኡሽ ወዐቢ ሐቡር ወርሒም፡ ፍቲ ርሐ እንክር ለከረ፡ ምሰል ኩሉ ለዋፍቅ ጠባይዕ ለዐለ እሉ ምሕርባይ ክም ዐለ፡ እግል ሰኖታት ረዩም ምሰሉ ለዐለው ገዳይም ወምን ገጽ-ሐር ለዐረው እቡ ሽባን መሻቂቱ ለሓኩ።

ምሮት ምን እብ ቅሩብ ምሰሉ ለዐለው ገዳይም መልሂቱ ሚጀር ጀነራል ሃይሌ ሳሙኤል (ቻይና)፡ እብ ክሰሉ ሐያት ንዓል ሽሂድ ወዲ ሊቄ ክም ትሰአልናሁ ዲብ በልሱ ምሰል ወዲ ሊቄ እት ኩሉ ሄራር ንዓል ምን



ውቁል ለዐለ እሉ ምሕርባይ ዐለ” ልብል።

ክም አደሚ ለዐለ እሉ አደቡ እንዴ ሽራሕ ሚጀር ጀነራል ሃይሌ ሳሙኤል፡ ወዲ ሊቄ ለኢልትባይል ምሮ ጅንሰ አደብ ሰበት ዐለ እሉ፡ እብ ፍንቲት እተ መደት ለሀ እብ ዲሽ ልግበእ ወመስኩሊን ምሰል ምተሐቱ፡ ሰናቱ ወመስኩሊኑ ለልትሐመድ ክም ዐለ ለአክድ።

ብዕድ ምን ቅሩብ ምሰሉ ለዐለ መልሆ ላቱ ቃይድ ሀይኡት አርካን ቅዋት ተወርዋሪ ብርጋደር ጀነራል ፍጹም ገብረሂወት (ወዲ መምህር) እብ ጀሀቱ፡ ናይ ንዓል ሓለት ወዲ ሊቄ እብ ክእነ ሸርሐ፡ “ሰድፈት እንዴ ገብእ ናይ ዐይለት ቅርብመ ብኩ፡ እት ንዓል ላኪን አቃርብ ሕነ አው አዳም ሕድ እንገብእ እንዴ ትቤ እብ ፍንቲይ ለትርእየ ቀድየት ኢህሉት። እምዬ ወአቡዬ ለወልደም ክልኦት ሐውዬ ምሰልዬ እት ንዓል እንዴ ህለው፡ እንዴ ኢንትአመር አሰመረ አቱክ። ናይ ቅሩብ አዳምዬ እት ንዓል ምሰልዬ እት እንቶም ሐቆ ሕርየት ለአመርክምም በዝሐ። ኩሉ ረእሱ አ’ምሮም ይዐልኩ። ሰበቡ ሀይ፡ ለናይ ንዓል ሽዑር ዲብ ክእነ ለመሰል ቱለል ቱ ለልኦቲኩ። ምሰል ወዲ ሊቄመ እት ሰነት 1988 ክም ትዋጅሀኩ፡ ሰድፈት እብ ድግም ክም ትካፊን እቱ፡ ወድ ሓል ወወድ ዐ’መት ክም ሕነ አመርኩ። ክምሰልሁ ዲብ ሕነ ላኪን፡ አስክ ምጽኦት ሕርየት ሕድ ነኡትዐግብ፡ ሕድ ንትዓደር፡ ንትደኣል

ወንተልሄ ዐልኩ፡ ሐቆ ሕርየትመ ምን ገብእ ክምሰልሁ አተላላናሁ” እት ልብል፡ ፍንቲይ ተባይዑ እግል ልሸረሕ፡ “በዐል ምርውት ወሰብር ሰበት ዐለ፡ እት ኖሼ እርእዮ ዲብ ህሌኩ፡ ሰነቱ ዲብ ኣነ ሰ’ዲኒ ሰበት ዐለ፡ እብ መስኩልየት አክሉ ምንመ ዐልኩ፡ አክሉ ክም ይእበዴሕ ልትአ’መረኒ ዐለ። ለአደርሰኒ ቱ ወምን ቅሩብ ሰዲኒ ቱ ለዐለ በዜሕ” እት ልብል ቱ እግል ሽሂድ ገዲም ምሕርባይ ብር/ጀነራል ገብረሂወት ዘሚካኤል (ወዲ ሊቄ) ለሸርሐዬ፡ እት ደንጎበ ብርጋደር ጀነራል ፍጹም፡ “ሕነ ንፊድብ ወንሕመቅ ምሰል ሽዑብ

እት እንመጭር ቱ ምሰል ለዐቢን” ቤለ። እንዴ አትለ፡ “ምሰል ወዲ ሊቄ እት ሐርብ ልግበእ ወሽቅል ክል ዶል ፋሬሕ ወበዐል ሰእየት እንተ። ግ’ረ ወዲ ሊቄ እንዴ ተረፍክ እብ ክሰሱ እስትሽሃዱ ሐብሬ እግል ተሀብ ላመ መቅደረት ትውሕድ እትኩ። ወዲ ሊቄ ዳምር ቱ። ብዝሓም መልሀያም ንዓል አፍረ፡ ምን ጅንዴ ዓዲ አስክ እብ ደረጀት መስኩልየት እብ መትሰባል ከድመ” እት ልብል ሐብሬ’ኩ።

እት ደንጎበ ዝክርያት ሽሂድ ብርጋደር ጀነራል ገብረሂወት ዘሚካኤል (ወዲ ሊቄ) እግል ተሀብ’ኩ



ሚጀር ጀነራል ሃይሌ ሳሙኤል(ቻይና)

ዘሚካኤል (ወዲ ሊቄ) ሓይሰ ርኢስ ኢሲዩስ አፍወርቂ እት ሐድረየ እት የም 17 የናይሮ 2015 ሳዕት 10:00 አዳውሕየት ዲብ መቅበረት ሹሀደእ አሰመረ ገብአት።

እት ኢነት ቀብር፡ ታሪክ ሐያት ብር/ጀነ/ገብረሂወት ዘሚካኤል እብ ቃይድ ሀይኡት አርካን ቅዋት ድፊዕ ኤረትርየ ጀነራል ፊሊጾስ ወልደየውሃንሰ ክም ትቀረኡ፡ ሐቆህ መራሲም ክርየት ዕንባሰ ሕሽመት ተለ። እብ ሰሚት ሕኩመት ኤረትርየ ሓይሰ ርኢስ ኢሲዩስ አፍወርቂ፡ እብ ሰሚት ጀብሀት ሽዕብየት እግል

መደት ረያም በሀለት ምን መደት ወራራት ደርግ እንዴ አንበትክ አስክ አክር ዲብ ለትፈናተ አሽቃል ተንዚም ምሰል ክም ዐለው እት ለሐብር፡ “እግለ መርሐ ዲሽ መዕነውያት እንዴ አሰፈ ርሐ ቀደምም ለሰብል፡ ዲሽ እግል ልምረሕ መቅደረት ውቅል ለቡ፡ እት ተዕቢኦት ስያሰትመ እብ ቀላል ልእኩቱ ለልእሰሚዕ ወለሉሐልፍ፡ እት ወክድ መግርክ ሀይ ምን ዐለው እነ ለእንብሎም ምሕርባይ፡ ምን ሚርሓይ መጅሙዐት እንዴ አንበተ አስክ ቃይድ ክፈል ዲሽ እንዴ ገብኡ፡ እት ናይ ዐሰከርየት ልግበእ ወሰያሰት ዶር



ብርጋደር ጀነራል ፍጹም ገ/ሂወት(ወዲ መምህር)

እንዴ ገብኣነ ናደልነ ወለሕርየት አምጽኦናህ ወሰያደትነ ዐቀብኩ፡ ደውለት ሀይ ደውለት ተ። ሐር ለልኦብል አለቡ፡ እማንት ናይ እሎም ክል ምዕል ለአሰተሽህዶ ለሀለው ፍራስ እግል ነሐጥዋ ውሕደትነ እንዴ አተረድኩ ክ’መ እት በዲርነ ሽቅልነ ነኡተላሌ” እት ልብል ልትፋኔ።

ብርጋደር ጀነራል ሐድሽ ኤፍሬም’መ እብ እንክሩ፡ ምሰል ወዲ ሊቄ መስኩሊን እንዴ ኢገብኦ (ጅኑድ ዓድየት) እት እንቶም እት ሐቱ ሰርየት ምሰል ክም ዐለው እት ፈቅድ፡ “እተ መደት ለሀ ነኣይሽ ሰበት ዐልኩ፡ ሐያት ሰውረት እት ነኣዳውር ንትሳሰዴ እተ ለዐልነ መደት ዐለት። እተ መደት ሰልፍነ ቆሪ አምር ናይለ ሰውረት ምንመ ኢለዐሌ እግልኩ፡ ልሰዕ ንትበገሰ ሰበት ዐልነ ተሐይሱተሐምቅ እት ንትበሀል ወንትጋሚ፡ ለ’ዘት ሰውረት

ለትሰአልናህ ገዲመት ምናድለት ልዑል ሃብቱ ተ። ህተ ወቀይ ፋርስ ወዲ ሊቄ እት ገጸ ሰበት ትጋየሰ ገየተ ዲብ ተሐጭር ወእት ክቤዕ ተ እብ ክርን ድህርት ትትሃንነ ለዐለት፡ እብ ክእነ ሀይ ሽዑረ አሰኣለተ’ኩ። “ክቡድ ቱ! እስትሽሃዱ ክም ሰምዐኩ፡ ሕልም ቱ መአማን እግል እድሌ ኢቀደርኩ፡ አስክ እላመ አምነት ኢህሉኩ ላኪን ለገበይ ኩሉ ገይሰ ላተ አማነ ክም ቱ ውድሕት እዬ ህሌት! አስክ አምዕል እስትሽሃዱ ጠባይዕ ጀብሀት ሽዕብየት ምኑ ለይኦዝመ፡ ፍርሰነቱ፡ መትሰባሉ፡ አዳም እግል ለአሰኔ ሐር ለኢልብል ወጀለ ብዕዳም ቢዘ ለገብእ መልሀይ ሰበት ዐለ፡ ምሮት ምን እት ሐያትዬ ለኢለሀሰስ ዝክርያት ለሐድገው ፍራስ ሌጠ እንዴ እቤ እትዘኩሩ” ቱለ’ኩ።



4

መድረሰት ሰውረት ወለተዐዲቱ አሰሉል
(3ይ ወናይድ ደንገበ ክፋል)

መድረሰት ሰውረት፣ መጅብ ምን ክለን ቆሚያትን መጸአው ደረሰ ለሻረከው እተ። ምን ክልኢቱ ደያናት ውላደ ወአዋልድ እብሕበር ለተዐገለው እብ ዓመት ምን ክሉ መሕበራይ ደራጃት ወለትፈናተ አካናት ለትጀመዐው ደረሰ እንዴ ከምከመ ለተአደርሰ ወትሸርፍ ተ፣ እብሊቱ ደረሳህ አስክ ዮም ውላድ ዐቢ ድስ እንዴ ትበህለው ለልሰመው፣ እብ ዓመት መድረሰት ሰውረት እግል ደረሳህ ከምሰል ኣብ ወእም፣ ከምሰል ሐ ወሕት እንዴ ገብአው፣ ክሉም ደረሰ ወሙድርሲን ከምሰልሁመ ሙረብዩት መድረሰት ሰውረት ወድ ዐጁ ወድ ዐድከ ለኢለአምሮ ከምሰል ውላድ ኦሮት ርሕምቶም ምሰል እብ ፍቲ ወሕሽመት ሕድ ለዐበው

እንዴት ገብረ ደርሶ ወደድረሱ፤

እስትንምቡረት ናይ እሊ ህዩ እበ ዲብ ዮም 3/3/1983 ለዲብ ዐፍርብ አስክ ምግባይት ደረጀት ባጽካም ለዐለው 395 ለገበአ ደረሰ መድረሰት ሰውረት ዲብ ክለ ወጠን ዲብ 80 ድጌ ወ129 መርከዝ ዲብ ዮም 01/04/1983 እሎም ደረሰ እሎም ዲብ ታሪኾም ምን ደረሰ ዲብ ሙድርሲን ለተዐደው እተ ዕለት ዐለት፣ እሊ ሳኪን ለበዝሐው እሎም ደረሰ-ሙድርሲን እሎም፣ ዲብ ግረ ከጥ አባይ ሰበት ዐለው ምስል ንዕዮ ክረፍ አባይ ዲብ ከደን ዲብ ልትመየው፣ እብለ ርሖም ዲብ ለዐቅቦ ወእብለ ሸዕቦም ዲብ ለደርሶ ፍንጌ ኮፍ ወፈረጀ እንዴ ገብአውቶም እትሊ ወቀይ እሊ ፍፋራም ዐለው፣ ዲብ እሊ ህዩ ብዝሓም ኦርወሐቶም ለሰበለው



ወለንንገለው፣ እብሊቱ ህዪ
እግል ረህየት ወጅርቡት ምስል
ዲብ ጠምጥሞ ዶል መኣከይ
ምስል ለኣኩ ወዶል ሰኔትመ
ምስል ሰኩ ለዐለው፣

ደረሰ መድረሱት ሰውረት ደለ ሽንገለ ምኖም እግል ኢሙት ወእቅተል ዐጄ እግል ሐርር ወእግል እትሓረብ ልብል ድኢኮን እግል እድረሰ ወእትዐለም ለልብል ሑድቱ ለዐለ፣ እብሊቱ ህዩ ደለ አምበትብተ ወሽንገለ አስክ ሀይአት ተድራብ ዩክ ዲብ ለአመድድ፣ ሰለሕ ልትሆገል ወሙናድሊን ለአገምል ዐለ፣ እምበል እሊመ እግል ኖሱ እንዴ ደርሰ ምን ሽዕቡ ቅዌት ዲብ ገልጽጽ፣ ህቱ እብ ዕምር ንኡሽ ዲብ እንቱ እግል አበው ወእማቱ ዲብ ለአደርሱ መሰል ስኔት እንዴ ገብአ ደረሳይ እት እንቱ ሙደርሱ፣ ደረሳይ ዲብ እንቱ ምሐርባይ ወለመስላ

ፀላው፤

ዲብሊ ሰነት ለሀ ድቁብ ኤማን ወመተሰባል ሙረብዩት ወሙደርሲን ለለርኤ ለደቀብ ወቀይ መናበረት ዐለ፣ምሰለ ዐለት ሐፋነት ዲብ ሞሻት እንዴ ደገልከ እንጌረ እግል ትሰንክት ወጽቤሕ እግል ትሸቁ ቀሊል ይዐለ፣አሰክለ እብ ከሀረበት ለሸቁ ዋውር አፍራም ልተክል ህዩ ለሸቅል ሰኔ ድቁብ ዐለ፣ ባኔ ህዩ ለእምር ሙነት እንዴ ገብአ ልትሸረፍ ዐለ፣ እብ ክእነ ህዩ መድረሰት ሰውረት ዲብ ፈዴሕ ወትርሕብ አክለ ጌሶት ዲብ መናበረትመ ዲብ ተሐይሰ ወትሰኔ ጌሶት፤

ዲብ ሰነት 1986 መኖብረት ክምሰለ ቀደመ ለዐለት ሰነት ሐልፈት፤ ዲብ ነብረ፡ ልባስ ወእስእን መጽብ እብ ጠለብ እግል ልምጸእ ኣምቡተ፤ ዲብ ዓኖየት ወነዳራትመ መራቀብት



ትርድት እግል ትግበእ አምበተት፣
ሕማም ትረአ ምንገብእ
ሻፍንት ክታበት እግል ክሎም
ደረሰ ትትሆባብ፣ ለዐለባ ናይ
መአንብታይት ደረጀት ሐምስ
“ባሕ” ሳድስ ናይ ምግባይት
ደረጀት እንዲ ወስከባ ኣተላለባ፣
ለሐያት ህዬ ዲብ ተሐይሰ
ወትሰኔ ወመናበረትመ ዲብ
ትዋዕም ወትትወጀህ ኣስክ ሰነት
1989 ኣተላሌት፣

እትሊ ኣውካድ እሊ እብ
ኣባይ ለትረኣ ወራራት ይዐለ፤
እብ ቃብል እሊ ኣባይ ለደክክ
ህጃማት ሰውረትኅ እግል ክሉ
ደረሳይ ሰእየት ዲብ ለህይብ
መጽኣ፤ ዲብ ሰነት 1989
ለናይ ምግባይት ደረጀት ደረሰ
ዲብ እምባልቆ ነቅፈ ነክሰው፤
ለተርፈው ህዬ ዲብ ዐራርብ
ኣተላለው፤ እሊ ናይ ነቅፈ
ቤት ምህር 7ይ ፊስል ክምሰል

አትመመው አስክ ብዕድ ወቀይ ተዝዚም ልትሳረሐ ዐለው፤ እብ ክእነ ህዬ ዲብ ሰነት 1991 ሕርየት ጠበሽ ትቤ፤ ለዲብ ዐፊርብ ለዐለት መድረሰት ሰውረት ገሌ ክፋል እግል መደት ሰነት ዲብ አራግ ዐለት፤

መድረሰት ሰውረት ሐቆ
ሕርየት።-

መድረሰት ሰውረት ሐቆ
 ሕርየት፡ ለምስል ዲብ ሐንቴ
 ዕዛል ሐቴ መድረሰት ደርሰ
 ለዐለ ደረሳይ እግል ልትፈናቴ
 አምበተ፡ ዲብ መኣንብታይት
 ደረጀት ለዐለው ወውላድ
 ሹሀደኣ ላቶም ደረሰ ዲብ ከረን
 ትከምከመው፤ ለተርፈው ላኪን
 እብ ዕምር ሽውየ ላቶም አስክ
 ተድራብ ትሳረሐው፤ ለብዕዳም
 ህዩ አስክ ዐድኩም ጊሶ መዐሰላመ
 ትበህለው ከትሳረሐው፤ ምተሐት
 ሳድስ ወምለዐል ታስዕ ፈስል

ለበለው ደረሰ ሰነት ድራሰት
1991/1992 አምቡተው፣ ሳድስ
ፊስል ዲብ እምባልቆ ሳብዓይ፣
ሳምናይ ወታሰዓይ ህዬ ዲብ
ጡብረ ምን ፊስል ዲብ ፊስል
ዲብ ልሐልፎ አሰክ 11 ፊስል
በጽሐው፣

ሐቆ እለ ለዲብ እምባልቆ
ወጸብረ ሕጭርት ለዐለት
መድረሰት ሰውረት ሰረ አስክ
ደቀምሐሬ እንዴ ፲፱፻፲፱ ለዲብ
ወክድ ንዓል ሕርየት ስልሰለት
መልሂቶም ዐባዩ ወሐዎም እንዴ
ኢበትት ደርብ ሕድ ለአሴሮ
ለዐለው ናይ ወክድ ንዓል ደረሰ
መድረሰት ሰውረት፤ ሐቆ ገሌ
ሰኒን ሕርየት ላተ ሕድ ዲብ
ልሰፍለሎ ወቀዳሚቶም ዲብ
ልትሰራበቦ እግለ እም ክሎም
ደረሰ ላተ መድረሰት ሰውረት
እብ ሰፈላል ዲብ ልሰባሰቦ
ትሳረሐው ምነ፤





አጠቃላይ አውኪር

ኤረትርያ

ዎሮት ጅኔታይ ንኡሽ እት ጀፈር አቡሁ እንዴ ገብአ ልተልሄ ዐለ፣ እግል አብሁ ክታብ እንዴ ቀርእ ሰበት ረአዩ። “ይበ አነ ወድ ከም ሰነት ክምሰል ገብአኮ አርበዕ ዕን እወዴ?” ቤለዩ፣ ለእናስ እንዴ ልትፈክር። “አዳም አርበዕ ዕን አለቡ፣ አስክ ተአብር እብለን ክልኤ ዕንክ እግል ትንበር ቱ” እት ልብል በልሰ ዲቡ፣

ለጅኔታይ እበ ሰኣል ለሀይ እንዴ ኢደዌ። “ይበ። እንተ ሙሽ እብ አርበዕ ዕን ትቀርእ ህሌክ? አፎ እብ ክልኤ ዕን ኢትቀርእ?” ቤለዩ፣ እግል ነዛረቱ እንዴ ገኔሐ፣

ፍቱያም አውኪት እት

መድረሰትኩም ትነሽዶ ማሚ? እብ ሚ ህግዩ ትነሽዶ? ምን ነሽድ ህዬ ሚ ተዐለምኩም?

ነሹድ እንዴ ንትፋገዕ አምር ለእነኩብ ምኑ መጃል ምህር ቱ፣ ነሹድ ለሐን ወሽዕር ሰበት ቡ እግል ቲበሉ ወትሰምዑ ረይሐከ፣ እንቱም አጀኒት ህዬ እግልኩም ሰኒ ወአማን ምህም ቱ፣ ፈዳብ ደረሳይ ነሹድ ፈቱ፣ ፈዳብ ደረሳይ እት መድረሰት ነሹደት ወጠኑ እብ ዋጅብ ነሽድ፣ እብ ዋጅብ ለነሽድ ደረሳይ እብ ገበይ ነሹድ እንዴ አበለ ወጠኑ። ጠቢዐት። ዓዳት። ነዳፊት። አደብ ሰኒ። ቂመት ዋልዴን ወገርቡ እግል ለአምር ቀድር፣

ዲብ መንህጅ ተዕሊም

ኤረትርያ (ንዛም ምህር) ነሹድ ዎሮት ምነ ለትወቀለ ሚዛን ለልትህዩቡ ቱ፣ ሰበት እሊ ወዛረት ተዕሊም እትለ ትፈናተ አውቃት አናሺድ ተአዳሌ፣ እግል መሰል እት ሰነት 2002 እግል ክሉ አፍሱል ተሓቲት መርሐለት ምህር(1ይ-5ይ) ለሸምል አናሺድ እንዴ አዳሌት ሸሪጥ ወክታብ ጠብዐት፣ እት መዳርሰ ህዬ ትወዝዐ፣ እንቱም ምን እሊ አናሺድ እሊ አክልኦይ ተአምሮ? እግል ዮም ገሌ ምኑ እግል ነኡትፋቅደኩም፣

ነሹደት ወጠን እብ ዋጅብ ተአሙረ ማሚ? እግል ሰኒ ኢትአሙረ ነሹደት ወጠን እሊ ለተሌ ተ።

ኤረትርያ ኤረትርያ በዐል ደመ ትሸረበ ክሉ ረአሱ እስትሸሃደ ዐውቱቱ ልባሱ(2) እግል ሰኒን ሐጠት እት መባጥር ተአምራት ሰባት ተ እሊ ምድር ኤረትርያ ናይ ዝሉማም ሕሸመት አመርዴተ አማን ክም ትትዐወት ኤረትርያ ኤረትርያ አመርዴተ አካነተ ዲብ እድንዩ

ሕርየት ለአምጽኦ ኢመትሐላል እግል ብነ ልክደም ወእግል ዐማር ‘ግል ትትበኔ ቀደም ‘ግል ኒደዩ አማንት ብነ ሐሪር ንሰርግዩ

ኤረትርያ ኤረትርያ አመርዴተ አካነተ ዲብ እድንዩ

እተ እግል አጀኒት እንዴ ትበህለ ለትዳለ ክታብ እግል ለትፈናተ መጃላት ለሸምል 48 ነሹደት ትዳለ፣ እንቱም አጀኒት ለትፈሁመ ወለትጸቡጠ ገበይ እበ ሰበት ትዳለ፣ እት መዳርሰኩም ሐቆ ህለ መደርሲንኩም እንዴ ትሰልኩም እግል ትቅርእዉ ወትነሽዶ ወጅብ፣

እንቱም አጀኒት እብ ዓመት ጠቢዐት ወእብ ፍንቱይ ህዬ ሔዋናት ወዕንባታት ትፈቱ ኢኮን፣ ከእግል እሊ ለትከሰስ ዲብ ክታብ አቡኩም መሕሙድ ዑመር ለአዳለዩ ነሹደት ክእነ ትመስል።

መዐሉመት አውኪር

ፍቱያም አውኪር እብ ክሰሰ መስር ሚ ተአምሮ? እሊ እብ ተእሪክ ወኣሳሪ ለትትአመር መስር ሐቱ ምነ እሙራት ወስሙያት ድወል ቅብለት አፍሪቃ ተ። መስር ምስል ምግባይ በሐር። ምእታይ

ቐዘ። እሰራኤል። ሶዳን ወሊብዩ ትትሓደድ። እሊ ደውለት እሊ ነሀር ኒል እንዴ ሸገዩ ሰበት ለሐልፍ ለዐበ እተዩ ምኑቱ። ርሕብ እሊ ዐድ ሐድ 1,002,450 ኪሎ ምትር መረብዕ ገብእ። ብዝሐ ሸዐበ

እበ እት ሰነት 2010 ለገብአ ዕሹር 79,737,000 ገብእ። መብዝሐ እሊ ሸዐብ እሊ ዲበ ሐድ 40,000 ኪሎ-ምትር መረብዕ ለገብእ እት ግንራራብ ነሀር ኒል ለልትረኩብ ምድር ነብር። መስር እት ወሬሕ ክልኤ ዮም 28 ሰነት 1922 ምን እስትዕማር እንግሊዝ ሕርየተ ነስኦት። እት ዮም 18 ወሬሕ ሰስ ሰነት 1953 ህዬ ጅምሁርየት መስር እንዴ ትሰሚት ተዐለነት።

ጠቢዐት



ለዓል አድብር ሰኒ ውቁል ዕንባታት ሰዐር ጋምል ንህብ ህሌት ወሐነጅር ክርን ዋዕም ናይ ሰራይር

ደበኒት ዲበ ዐስተር ውልዋል ብሩድ ኩበህ ቅርር ለመራታት ወማይ ጀርጅር ለጠቢዐት ተአትፈክር

አውኪር ለመረ ነኣይሽ ዕልብ እግል ተአምሮ እንዴ ትበህለት ለትዳሌት ነሹደትመ ህሌት፣ እግል እንዴ ትነሽዶ ምን ሐቱ አስክ ዐስር እግል ተአምሮ ትቀድሮ፣ እሊ አቡኩም መሐመድሰዒድ ለአዳለዩ ነሹደት ክእነ ትመስል።

ዐውቱ ነስር ሐቱ ክልኤ ወቅትክ ረኤ ሰለስ አርበዕ - ክራስ ርፈዕ ሐምስ ሰኒሱ አንብት አርስ ሰቦስ ሰማን - ፍቱ አማን ሴዕ ዐስር- ዐውቱ ነስር

ፍቱያም አውኪር መድረሰት እግልኩም አካነ ሰኒ ዐባይ ተ፣ ክምሰል እምኩም ወአቡኩም እብ ዕልም ተዓቤኩም፣ ፈሀም ወአደብ ተደርሱኩም፣ እኪት ወሰኔት ተፋርዝኩም፣ እብ ርዶደት ገሮብኩም ተርድ ወሰነት ሰብ እንዴ አብጽሐተኩም እግል ርሕኩም። ዐድኩም ወወጠንኩም ክምሰል ትገብኦ ትወዴ፣ እሊ አቡኩም ጃዕፈር ሳሌሕ ለአትዳለዩ መድረሰቹ ለትብል ነሹደት ምስል ንነሽድ።

መድረሰቹ መርሐባበ መድረሰቹ እፈትዩ አነ እብ ንዩቹ

በ ቡ ሐቱ ክልኤ እት እብል ምን ጀህል እትባለሕ ጽልመት አምዕል እከትብ ወእቀርእ እግል አምር ንኡሽ አነ ወድ ሰስ ሰነት ገሮብዬ ልትበኔ እብ ርዶደት ዕልም ተአኦርሰኒ ወርዶደት ከአፎ ዶእፈትዩ እሊ መድረሰት



ዝያረት

መድረሰት ሰውረት ምን አየ አስክ አየ?

(2ይ ክፋል)



ገብአ። ሐቆ እንዴ አለአድግ ርቱብ ተዕሊም ተአምቦተ። አሮ ምነ ሙደርሲን ናይ አድረሱት ተጅራቦት ሰቦት ዐለት እሉ። ዲብ አድረሱት አከይ-ፈሀም እግል ኢልትከለቅ ናይ ሳምን በርናምጅ (weekly time-table) አቅረበ እሉም። እብ ፍንቱይ ምን ሰፕተምበር 1977 ወሐር ሰኒ ሸቅክ ወመትዛም እንዴ ጸብጠ ምህሮ እብ ገበይ ወንዛም አግል ተዕሊም ለገብእ አክትቦት ዳሉ።

መድረሰት ሰውረት ክእን እት ታክብ እብ ኑዕየት ወብዝሐ ዐቦት ወጠውር ዲብ ተርኡ ሰኒ ሄረረት። ሸክል እዳረት ወአቅሳም ህይ ረተቦት። እሊ ህይ ሙደርሲን። ሙረብየት። ሕክምኑ። ዔቅቢት ወደረሰ ለከምክም መባትክ ዐለ እሉ። ናይ ክል ቅሰም ወቀይ ህይ ክእን መሰል ዐለ።

1. ሙደርሲን። እብ አሳሰለ ዳለ በርንምጅ ተድራሰ እግል ደረሰ አድረሱት ወአዳለዮት አክትቦት ምህሮ።

2. ሙረብየት። ናይ ደረሰ ሸርፍ አዳለዮት ወልባሰ ደረሰ ሐጺብ ወእግላ እብ ፅምር ለነአሸው ባለዮት ወራዕዮት።

3. ሕክምኑ። እግል ሐ'መው ደረሰ ወአንፋር ሳረዮት ወራዕዮት

4. ዔቅቢት። ዔቅቢት መድረሰት ወናይ መትላእክ ወራታት አግደዮት።

5. ደረሰ። ዲብ ሰለሰ እብ ፅምር ፅምሮም በህለት።

ሀ. ነኦይሽ። (7-10) ለፅምሮም ለ.

ምግባያም። (10-12) ለፅምሮም

ሐ. ዐባዩ። (12-15) ለፅምሮም ትካፈለው።


ቅያደት ጀብሀት ሸዕብየት ተዕሊም አሳሰ ወዴዳት ናይ ምስተቅበል ኤረትርዮ ክምቱ እህትማም ዛይድ እንዴ ሀቦት። እብ ደረጃት ሲያሰት እግል ልትሐሰብ እሉ ክም አምቦተ። ክምሰል መገሰ ወአግደ ዔማት ወራታት ተዕሊም እንዴ ወዴት ለነሰአተ መድረሰት ሰውረት ዐለት። እለ ጋራት እለ ህይ ቀደም አወላይ ሙእተመር መዳሊት ገብእ እተ ሰቦት ዐለ። ዲብ ወርሕ 5/1975 ክምሰል አሮ ፈርዕ ናይ ቅሰም እዕላም “ፈርዕ ተዕሊም” እብ ትብል ሰማት ትክውን። መብዝሐም ምን ህይአት ተድራብ ለትሰሐበው ሙናድሲን ሐዳይሰ ለብእቶም እብ ሐድ 30 አንፋር ህይ ተአምቦተ። ዲብ ወርሕ 8/ 1975 ብዕዳም ምን አጅሀዘት ለመጸአው ሙናድሲን እንዴ ትወሰከው እቶም ህይ ዲብ ዜሮ (በዓት ቢጫይ) ለትትብህል አካን ገሰው።

እሉም እብ ሰቦት መዳሊት ምህሮ ለከሰስ በርናምጅ እት ለአፈግሮ። እብ ብዕድ ህይ ዲብ ፈሕ መርከዝ ተድራብ ፊተውራሪ ወአዋልድ) ወደልሐለው። (መዕስከር ላጅኢን ኤረትርዮን ዲብ ሱዳን)። ደብዐት (መርከዝ ላጅኢን) ወብዕድ አካናት እግል ስትምቡረት ተዕሊም ለገብእ ደረሰ ዲብ ታዋኖት

እቦት ወቀለት ቅያደት ናይለ ተንዚም እንዴ ኢተርፍ ለዐል ወተሐት ልትብህል ዐለ። መሰለን አሮት ምን ወቁላም ቅያደት (እሲያስ አፈወርቂ) ዲብ ‘ፋሕ’ እንዴ ገሰ። እግላ ፅምሮም እግል ምህሮ አካዳምየት ዲኢትን እግል ክላሺን እግል ሊጸሮ መቅድረት ለይዐለት እሉም እንዴ ተዓረው ለጸንሐው ፊተውራሪ “ እግል አህምየት ወተርጀመት ተዕሊም” እንዴ አሸረ ሐጨር ወምህም ሸርሕ ክምሰል ወደ እሉም ልትዘከር።

ምነ ህግያሁ “ እግል ትናድሎ እንዴ ትብው እብ ንዮት እት ሰውረት ፈገርኩም። ካላሺን እግል ትርፈዖ ዐሸም ብኩም። ምናተ ፅምርኩም ልሰዕ ንኡሽ ሰቦት ህለ መሐክናኩም። ሰቦት እሊ ዲብለ እሰስት ለህሌት ሐዳስ ቤት ምህሮ እግል አሰከ እግል ቲጊሶ ብኩም” ልብል።

ለዲብ ልደሀር ገይሰ ለዐለ ዕልብ ሙደርሲን እብ ፍንቱይ ዲብ ዩልዮ 1975 ዲብ 15 ሀገን። ምህሮ እብ ክልኤ ህግዩ ትግራ ወትግርኛ እግል ልትአምቦት መምራሕ ተህየቡ። ለበገስ ወጽቦዋ እብ ሰዔ-ሰዔ አምቦተ። ዲብ ሰፕተምበር 1976 ህይ 70 ለገበኦ ደረሰ ወ10 ሙረብየት ዲብ ዜሮ መጽአው። ድራሰት ህይ እግል ትትአምቦት መዳሊት



እለ ሕላየት እት ገጽ 530 ናይለ እት ሰነት 1913 ለትከተብ ሐልየት ትግራይ ለህሌት እትገብእ። ዕልብ 717 ተ። ከለ ሕላየት። ከልብ ወድ ቴድሮስ እት ህዳይ ናውድ ወድ ብእምነት እት ዐድ ትማርያም ትፈረረው። ምናተ ህቶም እግል ልግልዕዎ ሐዘው። በአስ ወሕራጣት አሰይፍ ገብአ። ምናተ እት ደንገበ እሲቶም ሀበዎም ከለሐልያይ እብ ሰብለ እሊ ክእን ቤሉ።

ህቶምመ ውላድ ሸከር ሐዶም ተርፈ እግል እክል እለ ውላድ ዐድ ህብቱ ለርሳስ ዲብ መደልል አፎ ውላድ ቤት አሰብር ሳኪ መአዜ ተአፈግር ወእለ ውላድ ወርዕ-ሱብ ኢተአቀብል እግል መስእል ውላ ለዕሌት ናውያምቶም ለአግሉብ አድማይ እግል ተሐንግር።

ውእለ ውላድ ዐድ ዘሪት ሸየም ሰብ ለጸነብል ትብአሰው ዲብ ለዋጦቶም ዐሊ ወመሐመድ እት ተዐንድር ትብአሰው ዲብለ ንጋረት መንሱራሆም እት ተሀድር እት ከብድነ አምናይ ይህሌነ አሰክ ለሕርም እንፈግር ለእብ ረኤክ አሰእለን እንዴይ ትመኔ ወትሰትር እብ ተቀብልቱ ለአክናክ ዜምተት ሕጻንመ ትቀትል።





ሳምን ሽባን ጋሽ-በርከ ወከሰለ እብ ነያረት ተመት!



ምሴት ፈን እብ ምን ሶዳን ለመጸት ፍርቀት ዓዳት ወክሎም ጋሽ በርከ ጋምለት አምሴት።

ፋጅራተ አስክ መቅበረት ሸህደ እንዴ አግወሐው፡ እብ ውቁላም ወፍድ ከሰለ ክምሰልሁመ ሽባን

ከሰለ እት መቅበረት ሹ ሀ ደ ሽ ት ል እንዴ

ሹ ት ለው፡ እ ግ ለ መናሰበት ለሸርሕ በርናምጅ ፈን እግል

ልተብዖ እት እት መክተብ መሐበር ወጠን ወሽባን ወደረሰ ኤረትርዩ

ለትትረከብ ቃዐት እብ ፈናኔን ኤረትርዩን ወሶዳንዩን ለትተላ ተማሲል ሕበር

ሶዳን አክራኖም ወክሎም ክል ነፈር ለልሰሕብ ሰበት ዐለ፡ ክሉ እት መናሰበት ሓድራም ለዐለው

ጋሻ እት በሸር ወረግሶ ትረክ። እምበል እሊመ፡ እት መናሰበት

እት መናሰበት እብ ፍርቀት ዓዳት ሽባን ጋሽ-በርከ ለትቀደመ

ሐልዩት ትግሬ፡ ሕዳክብ፡ ኩናመ፡ ትግርኛ ወናራ እግል እት አቅሊም

ለትብር ገባይ ለወክል መስል ዐለ። ሳምን ሽባን አቅሊም ጋሽ-በርከ

ወውላዩት ከሰለ እምበል እት ፈን እት ርያደትመ ዶረ ለቀደመት

ዐለት፡ እብ አሳሰ እሊ ህዩ ፈሪቅ አ ቅ ሊ ም ጋሽ በርከ

ም ሰ ል ፈ ሪ ቅ ው ላ ዩ ት ከ ሰ ለ ሳ ዐ ት 4.30 ሐቆ

አድህር እት ወደወ ጅግረ አቅሊም ጋሽ በርከ እግል ውላዩት ከሰለ

2-1 ቀልበዩ። እምበል እሊመ እት ብድረ አትለቲክስ ለሸርከው

ሽባን ክልኦት ለእንክር ለበዝሐ ጃዋእዝ እብ ሽባን አቅሊም

ጋሽ-በርከ ትብሐተ። እት መናሰበት ርያደት፡ እማት መዲነት

ባርንቱ እግል እት ፍንጌ ውላደን ወውላዩት ከሰለ ገብእ

ለዐለ ጅግረ ርያደት እግል ልርአዩ ብትረን እንዴ ጠለቀዩ

አግሩዝን እት ሕቀተን እንዴ ረፍዐዩ ለዐፍዩ ለዐልለ ወሰፍን

አምሰዩ። ፈጅራተ ዮ19 ዩናይትድ ካቲመለ ገብእ ለአስመን

ወራታት ፈን ወርያደት አቅሊም ጋሽ-በርከ ወከሰለ ለትሐብር

ጽብሐት ሰበት ዐለት፡ መከምከሚ ፈን ግራሁ ከሊማት

መስራሊን ክልኤ ለጀህት እንዴ ትቀደመ እግል ተዐወተው

ጃዋእዝ ተህዩበ። እት መናሰበት መስራል መሐበር ወጠን

ሽባን ወደረሰ ኤረትርዩ፡ መስራል ተዐሊም አቅሊም ጋሽ በርከ፡

መስራል ጅብህት ሽብብዩት እት አቅሊም ወመስራል መጅልሰ

አቅሊም ጋሽ በርከ ውብዕዳም ሓድራም ዐለው።



መዲነት ባርንቱ አተጀህው። እት ድዋራት እስብዳልዩት ባርንቱ ከብቱ ናይረት እንዴ ገብኦት እግሎም፡ አስክል ዱሊት እግሎም ለዐለት አካን ዕርፍ ሐቀለ ጌሰው፡ ሳዓት 4.50 ደቂቀት ለመናሰበት እት ሐረት መክተብ መሐበር ወጠን ሽባን ወደረሰ ኤረትርዩ ፈርዕ አቅሊም ጋሽ በርከ እብ ነሺድ ወጠን ኤረትርዩ ወሶዳን ሐቀለ ትፈትሐት፡ አቅሊም ጋሽ በርከ እንዴ ወከለ ከሊመት ሕድርኖት ለቀደመ መመቅርሓይ አሸቃሰ አቅሊም ላቱ አሰይድ ዑመር መሐመድ ቱ። ህቱ እት ከሊመቱ ፡”ክእን ለትመስል ምልህዮት እት ፍንጌ ሽባን ክልቀት ወቅት ለጠልቡ ምህም ጋርቱ” እንዴ ቤለ፡ አቅሊም ጋሽ-በርከ ምስል ውላዩት ከሰለ ወደዩ ለህላ ምስንዮት እት ጠወሮት ዓዳት ተቃሊድ፡ ዐማር ውብዕድ እቱ አስክ ቀደም ለትዋሌ ሰለል ሰበት ተ ዝያድ እግል ልትከደም እግል ክምቱ አፍሀመ። ለወፍድ እንዴ መርሐ ማጽእ ለዐለ መላሲ አሃጅ መላሲ ናይብ ርኢስ አልምእተምር አልወጠኒ

አቅሊም ጋሽ ወበርከ ፡ ሻብ ግዴ ሰቃር “አሰናይ ደሐን መጽኩም” እንዴ ቤለ ሽባን ውላዩት ከሰለ ወጋሽ በርከ እት ናይ ሕበር መሳልሕ እግል ልሸገሶ እብ ትብጽሐት እትፋቅዩት እለ መናሰበት እለ ክም ትነዝመት ሐበረ። ግራሁ ለእመር ፈናን ኩናመ ላቱ ወድ ናቱ ባብ ለፈትሐት



ታብዐው። እብ ፍንቱይ እብ ፈናን ጣህር አልአሚን ለትቀደመ ሐልዩት ትግሬ ምነ ጽምእ መተንሰዩት ወዴፍዩት ለአርወ ዐለ፡ ክምሰልሁመ እብ ዕምርን ነኦይሽ ለመስሎ ፈናኔን ነፈር ተምተመ።

ለትቀደመ ተማሲል ሽብብ ኤረትርዩ ወሶዳን ሐቱ ክምሰልቱ ለልሐብር፡ አድረሶት አንሳይት አድረሶት ምጅተመዕ ክም ቱ ውብዕድ ጋራት ለተምትም ሰበት ዐለ መሻዕር ክል

ውላደን ወውላዩት ከሰለ ገብእ ለዐለ ጅግረ ርያደት እግል ልርአዩ ብትረን እንዴ ጠለቀዩ አግሩዝን እት ሕቀተን እንዴ ረፍዐዩ ለዐፍዩ ለዐልለ ወሰፍን አምሰዩ። ፈጅራተ ዮ19 ዩናይትድ ካቲመለ ገብእ ለአስመን ወራታት ፈን ወርያደት አቅሊም ጋሽ-በርከ ወከሰለ ለትሐብር ጽብሐት ሰበት ዐለት፡ መከምከሚ ፈን ግራሁ ከሊማት መስራሊን ክልኤ ለጀህት እንዴ ትቀደመ እግል ተዐወተው ጃዋእዝ ተህዩበ። እት መናሰበት መስራል መሐበር ወጠን ሽባን ወደረሰ ኤረትርዩ፡ መስራል ተዐሊም አቅሊም ጋሽ በርከ፡ መስራል ጅብህት ሽብብዩት እት አቅሊም ወመስራል መጅልሰ አቅሊም ጋሽ በርከ ውብዕዳም ሓድራም ዐለው።

መጸጸት ረዕሰ ሰበብ ሕዲነ ናይ ፌሽት እግል ልግበእ ቀድር

ቲብሰም



ለግበት

ዎሮት ነጃር ሸቅሉ እንዴ አትመመ እግል ምዕያር አሰክ ዐዱ ክም ትብገሱ ማሲ-ምድር ላሊ ክም ገበኤ ዎሮት አርዌ ነብረ እለ በልዕ እት ለሐዜ እትለ ወርሸትለ ነጃር አተ፣ ለነጃር ክል-ዶል ገሌ ምን ለዐፍሸቱ ለእቡ ሸቄ ዲብለ ረዕሰለ ጣውለት ለሐድጉ ዐለ፣ ወምን እትለ ጣውለት ለሐድጉ ዐፍሸ ህዩ ለዎሮ ሚሻር ቱ፣ ለአርዌ ዲብለ ወርሸት ኬን ወእንሰር እት ለአንገዋጌ እብለ ረዕሰ ሚሻር ሐለፈ፣ ለሚሻር ቅሩብ እትለ ገርቡ ቃዋሐዩ፣ ለአርዌ ራብሸት ገብአት እቱ ወክም ረድ-ፍዕል ናይለ ጀረ ዲቡ ቴለል እግለ ሚሻር እግል ልርገዝ እት ጀራርብ ነክሸዩ፣ እብሊ ሰቡብ አዜመ ለአፋሁ አድማይ ከዐ፣ ለአርዌ ኩሉ ጀሬ ዲቡ ለህለ ተዩልል ሰበት ኢትፈህመ እሉ፣ ለሚሻር ልትዐዳወዩ ወለሃጅሙ ለህለ መሰለ እቱ፣ ወእምበል ሸክ ሞቱ ለኢተርፍ ክም መሰለት እቱ፣ ናይ ደንጎበ ትርድት ወሐር ለኢትበልስ ረ'ደት-ፍዕል እግል ለህብ ሰተተ፣ እግለ ሚሻር እንዴ ሐንቀዩ እግል ልጭመሙ እት ጀራርብ

እብ ኩሉ ገርቡ እትለ ሚሻር ትለውለ፣ ለነጃር አሰቡሕ ምድር ምን ሰካቡ እንዴ ቀንጸ እትለ ወርሸቱ ክም አተ፣ እት ስምጥለ ሚሻሩ አርዌ ማይት ጸንሐዉ፣ ከእለ ሞትለ አርዌ፣ እምበል ሐሩቀት ወመዕመም-ልብ ካልእ ሐቱመ ሰቡብ ይዐለ እለ፣

ከምን እሊ ልብ እግል ንክሬ ዲቡ ለእንቀድር ጋር፣ ዶል-ዶል ሀለ፣ እት ወቅት ሐሩቀትነ ብዕዳም እግል ንእዜ እንጀራርብ፣ ወሐር ወቅት ክም ሐልፈ ርሕነ ነእዜ ክም ጸነሕነ ነኦምር፣ ከሐሩቀት ልብነ ለለዐምም አው ዐቅልነ ለለአዘውል ሼጣን ተ፣ እሊ ህዩ፣ ደለ እለ እንብል ወእለ እንወዴ እምበል ሓለት መዕዩን ሐቱ ኢትመሰል፣ ከእተ ዶል ለህይ ሚ እንብል ወእንወዴ ክም ህሌነ ሐቱመ ይእንፈጥን፣ ከዶል ነሐርቅ እስትቅፋር እንዴ ወዴነ፣ ምንለ እተ ዐልነ ሓለት ዶል እንበድል ዐቅልነ ወቀልብነ እት ምልክነ ገብኤ፣ ከሰልፍለ ሐሩቀት አዲግ እት ሰይጠረትነ ኢወዴናሁ ምን ገብኤ፣ ህቱቱ ለርሕነ ወብዕዳም ለአሰእነ፣

ማይ እት ዎሮት በጽሕ ላቱ ወድ አደሚ 50% ምነ ክትለትለ ገርቡ (ምን ኩሉ ገርቡ) ገብኤ፣ ማይ ክም ወሲለት ነቅል ወሐቀቅት ሰበት ነፍዕ እት ወቀይ አዳለዮት መነት ዐባይ ተረት ልተልሄ፣ እት ነዘሞት ደረጃት ሐፋነት ወአልሀቦት ገርብመ ተረት ዐባይ ለአገዴ፣ ምኤምራይት ሕክምነ ላተ ወለት አልማንዩ ፊታህ ሸራም፣ እት ገርብ እግል ልጅሬ ለቀድር ሕዲነ ፌሽት፣ ሰቡብ እግል መጢጠት ረዕሰ ወዕመማይ እጥራባት ገርብ እግል ልበእ ሰበት ቀድር፣ ሕሳብ እግል ልግበእ እሉ ብእቱ እት ትብል ሐዘረት፣ ወእሊ ክም እሊ መሰል አሻይር፣ ገርብ 3% ምነ ልትረከብ እቱ ፌሻይ ዶል ለአበዴ ክም ጀሬ ሐበረት፣

ወድ አደሚ ዓደተን 0.5% ሌጠ ምንለ እት ገርቡ ለልትረከብ ፌሻይ ዶል ልሰእን ቱ ለእብ ጽምእ ልሸዕር ትቤ፣ ምናተ እት ሐን ሰኒ ድቁብ ላቱ ዐሰባይ ጨቅጥ እትለ ነህሌ እቱ ወቅት፣ ሲቶ ማይ እግል ንትረሰቡ እንቀድር፣

እብሊ ሰቡብ፣ እግለ ዓፍዮቶም ርሽድት እት እንተ እብ መጢጠት ረዕሰ ለልሸዕር አንፋር፣ ኩምየትለ ማይ ለእለ ነስኦ ዲብ ፈሐስ እግል ልውደው ደሩሪ ክም ቱ ነስሐት፣ ምን እሊ ወኬን እንዴ ሐልፈትመ ለአከደቱ ጋር፣ ለሐሰት እት ቀበት ሐቱ ምዕል 1.5 ልትር ምን ፌሽት ወካሰተን ህዩ ምን ማይ እግል ልትነሰእ ክም ብእቱ ሸርሐት፣ ማይ ምን ኩሉ ለገርብነ ምን 50-60% ለትበጽሕ ክትለት ከውን፣ ወአሳስዶይት ወሲለት አትጋግዝ ወሐቀቅት ሰበት ቱ እትለ እት ቀበት ገርብነ ለልትሸቄ አዳላይ መነት ዐባይ ተረት ልተልሄ፣ ወገርብነ ደረጃት ሐፋነቱ እግል ልነዘም ሰኒ ብዘሕት ላተ ኩመየት ማይ ተአትሐዘዩ፣ ካሰተን ህዩ እት ዐመልየት አልሀቦት ለነፍዕ፣ በህለት ገርብነ ዶል ለሀበት የም አለቡ ማይ ሰበት ለአበዴ፣

ምን ዐግሎ-አፍ ትግራይት

ድግም ሕዋይ ለልትበህል አርዌ

ምን አረዊት ሕዋይ ለልትበህል አርዌ መከደስ ህለ፣ ሕብሩ ጸዐዳ ቱ፣ ወዕንታቱ ገዛይፍ ቱ፣ ከእሊ ሕዋይ እግል አዳም ልግበእ መእግል ሕያይት እብ ሕውራረት ቀትሎም፣ ምናተ ለሕዋይ በል እንዴ ኢልብል እት ሰልፍ ለአዳም ሐብሬሁ ምን ልርኡ፣ ወእንዴ አቀመጨው ምን ሰከ፣ ልድሕኖ ምኑ፣ ምናተ እት ሰልፍ ለሕዋይ ረአዮም ምን ግብኤ፣ አዳም ልግበእ መሕያይት እትለ አካኑ ተፈፍ ልብል፣ ምናተ ህቱ ብዙሕ እዋን ኢልትረኤ፣ እብ ዘበን በዲር፣ ገሌ እብ ግንሐቱ ለሞተው ዐለው ልብሎ፣ ለሕዋይ ሐቱ ዶል ምን ሐቱ ዔለ ማይ ሰተ፣ ወእት አሰሩ ሰብ አሐ ወርደው፣ ወምንለ ዔለ እግለ ንዋዮም እትለ ሰሙይ ማይ ገለው፣ ከለሐ

ሕድገትለ ሰልፈ ምንለ ማይ ክም ሰቴት ጅልፈት ገብኤት፣ ወለተለሹ እብለ ተርፈት እሎም አሐ እት ብዕደት ዔለ እንዴ ጌሰው ከምነ አሰተው፣ ወእግለ ዔለ ለህ ዔለ ሕዋይ ሰመወ ልትበህል፣ ምናተ ህቶም እግለ ሕዋይ ኢረኡዎ፣ እብ ህቱ ገብኤ ቱ፣ ወአዳም እብ መርገም፣ “ሕዋይ ሰቴ” ልብሎ፣ አውመ ህዩ እግለ በዐል ሰሰት ላቱ ወግንሐቱ ለኢትትረዴ ነፈር ገጹ ሕዋይ ቱ ኢልትረዴ ልብሎ፣

ኦሮት እናስ ላብብ፣ እግል ሊሙት ፊነ ለሀይብ እቱ ለዐለ ወቅት፣ እግል ክሎም ውላዱ እንዴ ነቅመዮም፣ ለአጃኒቱ እትለ ባኩ ክም ትጋሰው፣ እግል ዎሮት ምናም ክንራብ ኮናት እንዴ ሀበዩ፣ “ያለ እሊ እግል ትሰበሩ ጀርብ” ቤለዩ፣ ለጅነ እምበል ምሸክለት ሰብረዩ፣ እግለ ብዕዳምመ እብ ዎር-ዎሮት ሀበዮም ቱ ወእምበል ምሸክለት ሳበረዉ፣ እለ ክም ረኡ፣ ለእናስ እግለ ወልዱ ለእሰልፍ ናቅሙ ዐለ ሕዝመት ናይ ከረንገርብ ሀበዩ፣ ለጅነ አዜመ እምበል ምሸክለት ዶል ሰብረዩ፣ ለእናስ እግለ ውላዱ፣ “እሊ ፋርስ እሊ ዲብ ህለ ባክኩም፣ አነ ሐቱመ እለ እፈርህ እትኩም አለብዬ” ቤለዮም!

በህል

እሙራም

- መጸግም ፈዳብ አውቄነ በህለት እት ረዕሰ አዳም እንዴ ዐረግነ ሸንን እግል ኒበል በህለት እንዴ ኢገብኤ፣ ምስሎም ወእት መጦሮም ዶል ነህሌ ወእንበጥር ሌጣ ቱ፣ “ሞንቴክዮ”

- አነ እብ ሰቡብ ምስጢር ኣልሀት ወለ ሐቱመ ለአም'ረ አለብዬ፣ ምናተ እብ ሰቡብ ሸቃወት ወድ አዳም ላቱ ጋራት ብዙሕ አ'ምር፣ “ጦ”

- እግል ለአፍረህነ ለወጅቡ ጋር ህለ ምን ገብኤ፣ ፈርህት ኖሳተ፣ “ፍራንክሊን ሩዝቨልት”

ጠሰኩጠኩ

ዎሮት ነፈር እት ሐያቱ፣ ምን መራሪቅ ለለአፈግሩ፣ ክልኡት ሐ'ማም ሰባሐት እግል ልምለእ ቀድር፣ ካልእ እግል ትትአ'መር ለብዲብ አማን ህዩ፣ አሀምየት ናይ ምራቅ ምን ለልትሐሰብ ወለዐል ተ፣ በህለት ምራቅ ምን ኢለዐሌ ጠምጠም ነበረ እግል ንድሌ ወኢቀደርኻ፣

- ክል ዶል ሸ'ሉጥ እግል ትግበእ ኢለኡትሐዜኪ...ሐት-ሐቱ ዶል ላመ መክሩህ እትጅሃትክ እግል ትቃልው ብእትከ! እሊ ህዩ ምን ቱ ለእተ አኬት ሓለትክ እግል ልትከበተክ ለቀድር እግል ትርኤ ሌጣ ቱ፣
- ሀ'መት እዲነ እብ በክት እግል ትትዐወት እተ ኢትው'ዋን፣ ሚ ደአም እብ ደማነት እትለ ካልቅ ወምን ከርስ ለትትበገስ ሸንህት ወምራድ ትበገስ እለ፣
- ስታቲባትክ እት አማን እግል ልትበደል ክም ቀድር እመን፣ ክምሰል እለ ትመሰል አማነት ዶል ተህሌ እግልኪ፣ ልብከ ህዩ ህተን እብ ከአፎ አግቡይ እት አማን ክም ትበድለን እግል ልሕዜ እግልካቱ...ሐር ወቀደም ኢተሐመጣምጥ፣ ሰኒ ሕሰብ ወምሰል ብዕዳም ምከር፣



ዐገል ዕጉላም

ብሁል እብ ክሱስ ሰአየት፤

•ምን ሰአየት ለወዳኝ ዲቦም፤ ሰአየት ለኢወዳኝ ዲቦም እብ ዝያድ ሳድፉን፤

ቲቱስ ማሲዩስ ፕላቲስ

•ሰአየት ምን ረቢ ለትህየቡትን እግል ፈርህትን ለእመልክ እበተ፤ ሺንሰንቲ ሚናብ

•እግል ነቢር ለነሓልፉ ተዐብ እምበል ሰአይት ደወ አለቡ፤ ዊልያም ሺክስፒር

•ገሌን ሰአየት ለይአለቡ ካቲመ ለብን እት እንገብእ፤ ገሌን ህዬ፤ ሕዱድ ለይአለቡ ሰአየት ብን፤ ጆርጅ ወንበርግ

•ሰአየት ሐቆ ሐሬክ ክሉ ሐጃት ክም ምራድክ እግል ልገበእቲ፤ ክሪስቶፈር ሪ

እግል ጸሓይ እብለን ነኣሽ እደይክ. . . .

‘ሚ ሓላት ተ እለ እብለ ሐውከ ረብሹኩ፤ እብለ ኦብዕብክ አስክ መሰግድ አብጸሐኒ ልብለኩ፤ እብለ አቦትክ ቡን እት ተአፈልሕ እብ ሰዕለት ረብሸኩ፤ እብለ እምክ ኬን ወእንሰር እት ትትሓለፍ ዳይገክ ወእብለ አቡክ እግል ዓርፍ ሐዜ ህሌኮ ፍገር ምንዩ እት ልብለክ እትለ ጸባብ ቤት ከፎ እግል ትሕፈዝ ቀድር? አበደን ኢልትቀደር’ እት

ልብል ለወድ 12 ሰነት ላቲ ሰሚር እግል ምደርሱቲ ሸኬ እግል ዐለ፤ መደርሱቲ እብ መተአያሰ ሰምዑ ሐቆ ጸንሐት፤ ‘እምበለ ሐቲ ቤት ብዕደት ቤት አው ሐሽ አለብኩም’ እት ትብል እግል ዝያድ ትትአከድ



ሰአለቲ፤ ‘ሐበት አለብኝ እምበልህ፤ ለኢጀማሉም ህዬ እት ድራሰት እንዴ ፈድብክ ለትበጸሕ ብጸሕ ልብሉኒ’ ቤለየ እት ለአመርር፤ መደርሱቲ ሰምዑ ክም ህሌት እግል ተአክድ እግሉ ረአሰ ተሐት ወለዐል ነክነትን እግሉ ወሐር እት ሰጋዱ እት ቆጭቡ ‘ኢፋልክ ወልዬ ምን አዜ አክል እለ ትሸኬ?’ እት ትብል እብ መተዐጃብ ሰአለቲ፤ ‘ላለእ መዐልመት አነ ለሓልፈ ህሌኮ ምንበረት አክል-ሕድ ሰበት ኢተአሚረ እግል ትፍሀሚኒ ኢትቀድሪ’ እት ልብል እብ ሸባህ ሐሩቀት በልሰ እት፤ “ደሐን እደይክ ምደዱ’ ቲሉ ሃድአት እት እንተ፤ ‘እግልሚ?’ ሰአለ ለደረሳይ፤ ‘ደሐን ምደዱ ሌጠ’ ቲሉ፤ ለደራሳይ ክመ

ትበሀለየ እደዩ መ’ደ፤ ‘ምን እለ ሚ እግል ትፍሀም ቀድር’ እት ትብል እግል ደረሳይ ሰአለቲ፤ ህቲ ላኪን ወለሐበት፤ ሚ እወዴ ክምህሌኮ ፍሀምዬ ኢሀለ ቤለየ፤ ‘እብ እደይክ እግል ገጽክ ምን ጮርሕ ጸሓይ ሐግዩ’ እት ትብል ለመደርሰት እግል ደረሳይ አፍሀመቲ፤ ህቲ ላኪን አዜመ እግል ልፍሀመ ሰበት ኢቀድረ ክልሕ ምልሕ ገብአ፤ ለመደርሰት ገጽክ ምን ጸሓይ እብ እደይክ ሐግዩ እብለክ ህሌኮ’ ቤለቲ፤ ለደረሳይ ክምሰለ ትበሀለየ ክም ወደ አስክ መደርሱቲ ትወለበ፤ ‘አዜ ህዬ ሚ ፈሀምክ’ ቤለቲ፤ ‘እብ እደዩ እግል እለ መረድ ገብአት ለህሌት ጸሓይ ከርዐኩህ’ ቤለየ፤ ‘ርኡክ እብለን እደይክ ነኣይሻት እግል እለ እብ ከም ዕጽፍ ምን ምድር ለተዐቤ ከርዐኩህ፤ መጋድእ ነኣይሸመ መሰምስ እግል ቲደዮምቶም ለልትህየቡክ፤ ለዐመል ላኪን እግል እሎም ነኣይሸ መጋድእ እብ ከፎ እንዴ ተዐዴካህም ሀደፍክ ብጽሐትቲ፤ አክልሕድ ክምሰለ ነኣይሸ እደይክ እግል እለ ጮርሕ ጸሓይ ምን ገጽክ ለከርዐዩ፤ ኢለህ ወኢለህ ግብአት አው እብ ነኣይሸ መታክል አትማራርመ እት ጆዋክ ለህሌት በርሀት እግል ልክረዐ ቀድር፤ ሰበት እለ በደል እለ ጸሓይ እግል ገጩ እግል ተአክርብ ምንዬቲ እንዴ ትቤ ምን ሀደፍክ ትውዕል እብለን ነኣይሸ አርሓትክ ምን ከረዐ ለሐይሰ’ ቤለቲ፤

ዔማት፡ ኢንተርኔት

ሽዕር ሚቱ? ‘ሽዕር፡ ሸርሕ ናይ ጅወ ሽዑርቱ’ ፐርሰይ ብይሽ



-ሽዕር (poetry) እብ አፍ ወክቲብ ለቀርብ ልሙድ ወፍቲይ ጅንሰ አምር ክቲብ ቲ፤ ለለአቀርቡ ነፈር ህዬ ሻዕር ልትበህል፤ ሽዕር ፍቲይ ለወድዩ ለለሓልፈ ልእክት ወለከልቀ እብ ሐቲ ሐርፍ ለተምም ምሰኒት ክርንተ፤አፍካርክ እብ አፍ

ልግበእ ወለትኩተበ ሽዕር ሸርሐት እግል እበ ትትነፈዕ ህሌክ ህግዩ አክል አዩ ሴድያይ ክምቲ፤ ሰብ ቅድረት ሽዕር ወህግዩ እብ ክእኒ ሻርሓሙ ሀለው።- ሽዕር እግል ህግዩ ሸክሉ፤ ሕብረ፤ ግርመተ፤ ለዘተ ወጠዐመተ ክም ደምቅ ወዴ፤ አው ህዬ እብ ሕጭር ለቤሉ፤ ‘ሽዕር ለኢልሰመዕ ለሐን ለቡ ሚድሓይ ክፋል አምር ክቲብት ቲ፤ ልብሎ፤

ሽዕር ምን ብዕድ ጅንሰ አምር ክቲብ ለልትሐሬቡ፤ ቆሪን ለቡ አፍካር እብ ሐድ ክልማት ሰበት ሸርሐቲ፤ ሻዕር ህዬ፤ ለልትነፈዕ እቡ ዝያታት እብ መደጋግ እግል ልሕረዩ፤ ወለእግል ለሓልፈ ለሐዜ ለህለ ልእክት፤ ሚዛን እግል ለህሌ እግሉ፤ ኒገር ወሰፈት ወኪያላት እግል ልከምክም ቡ፤ ሽዕር ናዩ ቃኑን ቡ፤ ሀለዮት ሙሴቅያይ ቃን ወሐቲ ዝብጠት ምን ንቃዋ አሳሲ ናይ ሽዕርተን፤ አሮት

ቄድራይ አምር ክቲብ እግል መትነዳቅ ሽዕር እንዴ ከሰ እት ልትሃጌ ክእኒ ለመሰል አሰማይ አሰሙዩ ልትረከብ፤

አሮት ሸሪዋ ናይ ሽዕር ሰዋር ልትበህል፤ እብ ሕዳት ከልማት ለትነደቀት እት ገብእ፤ እግል አሮት ፍክር ሸርሕ፤ ለናይ አክር ሐርፍ ህዬ፤ ኤስራይ አው ዜብግይ ልትበህል፤ ክልኦት ሸዋር እንዴ ወዴኩ፤ እብ ክርን ለልተሌ ዘቢዋ ሐቆ ከለቅኩ፤ ለትሰመዕ ሱዊት ክርን፤ ቆን ልትበህል፤ እግል መሰል።-

እለ ባርህ ልበ ልብዬ አበ ሪመ እብ ሐቲ ረአየተ ልብዬ ገብአ ክፍለተ

ለኣት አክር ለህልይበ ለህለ ክርን በህልቲ፤ ክእሊ ክሉ ለትሸርሐ ለአትመመት ሽዕር ትትበህል በህልትቲ፤

ግዛቶት ጅሀም ? ሰ አ ል ?

ሰአል፤- አሰላም ወዐለይኩም፤ አነ እስታገዙ ሳልሕ መሐመድ እትበህል፤ ምን ደዋይሕ መንሱረ አነ እግል እስአል ምን ሐዜ ለህሌኮ ህዬ፤ መሀመድት ምዝነት እት ትግሬ አክል አዩ ተ ወአሮት ማዛይ ምዱር ልተልሄ? ሹክረን!

በሊሱ፡ እሰትዝ መሐመድ ሳልሕ ከዋ እትሳል እኩይ ሰበት ዐለ ሰኒ ኢሰምዐኮክ እግል እግበእ እቀድር፤ ላኪን ለሰምዐኩሁ እለ ሰበት ቲ፤ እግሉ ለበልሰ ለእንቤሉ በሊሰ እለቲ፤- ማዛይ አው መሰኒ እንብል እት ህሌኑ፤ አነኩ ሰኒ ዐባይ ተ፤ መርዓዊ ቀደም ህዳዩ መሰኒሁ ለአዳሌ ወምሰሉ ልትጋሚ፤ እት ፍንጌ መሰኒ ወመርዓዊ ምስጢር አለቡ፤ መሰኒ ምን ኦብዕብ እንዴ ተአንበተ እት ልትዋረስ ለለአተላሌ ቲ፤ በሀለት መሰኒ አቡኩ፤ ወልዱ መሰኒክ እግል ልግበእ ቀድር፤ ምዝነት እት ክልኤ ትከፈል ህቲ ህዬ መሰኒ ፍኩት ወካልኣይ መሰኒ ልትበህል፤ መሰኒ ፍኩት ለምን ኦብዕብክ ጸንሐክ



እግል ልግበእ ቀድር፤

ገሌ ምን መሰኒ ለወድዩ ሐጃት።- መሰኒ አወል ጠሊት እሰራት ለአመጽእ፤ ለጠሊት እለ ምሴተ አወል ነዩ ህዳይ ኦዳም እንዴ ኢልርእየ ጽብሕ ምድር ትትሐረድ፤ ሐቆ እለ መሰኒ እንዴ ሐርደየ ምስል ሰብ ሕደት ለልትበህሉ እብ ገበይ መሰኒ ለመጽው ወምን ዐዱ ላቶም ሰለሰ ነፈር ጡብሐ ወእግሉም ሰልመ፤ ህቶም ህዬ እብ አሸካር እንዴ አደለወ ሰለሰ ዮም እግል መርዓዊ፤ ሓይሳም ዐባዩ ዐድ ወጋሽ ለአበልዕዋ፤ መርዓትመ ሐዙተ በ፤ ማዛይ ወአቃርቡ ምን እለ ሰገ እለ ወለህ እብ ከለዋ እት አፋሆም ኢለኣቲ፤ እት ክምሰልሁመ ማዛይ አስክ ህዳይ ልትፋገር፤ አሚን ማልየት ወወኪል መርዓዊቲ፤ ወለ ሐቆ መፈገረት ህዳይመ ናይ ዲመ ጌምያይ ወሴድያይቲ፤ መዛይ ሐቆ ህዳይ ትፋገረ፤ በሀለት ሐቆ ሳብዕት እግል መርዓት ዕጩይ ስሕኖ ለአመጽእ፤ እምበልሁመ ዶል ሕማም ልግበእ ወውላድ አውመ እት ቅያብ መሰኒሁ ወኪል ገብእ፤ ጠሊት አተንበሊት፤ ሕግ ወለመሰሉመ እግል ለአምጽእ ቀድር፤ ከገሌ ምን ምህመት ናይ ምዝነት እለ ለትሸርሓቲ፤


ሓይሳም ወሓይሳት ቄርአት እለ ሰፍሐት፤ እተ ሐልፈት ዋብዐትነ፤ “ ፈናኔንን መሰል ሰኔት ገብአ ሀለው መመሰል እኪት ” ለትብል አርእሰ ንቃሽ አፍጉራም ክምሰል ዐልነ ለልትፈቀድቲ። ገሌ እዩሳም ቄርአት ረአዮም ሃይባምን ሀለው። ከ እተ እግል ዮም ሓርያሙ ለህሌነ ረአይ እግል ነዐዴኩም።

‘ፈናኔን መሰል ክሉ ቶም’

አወል ሰላም እግል አቀድም እፈቲ፤ ምኑ እንዴ አትሌኮ ህዬ እተ ህይብት ለህሌት አርእሰ ረአይ እግል ሀብ። አወል ፈናኔን እንብል እት ህሌነ እብ ብዝሓም ንትሃጌ ክም ህሌነ እግል ንትረሰዕ አለብኩ። እብ ብዝሓም ሐቆ ተሀጌክ ህዬ እኩይ ወሰኒ እግል ትርኩብ ላዝምቲ። ሰበት እለ ፈናኔንናመ ቀበት

ሕድ ሐለው መሰል ሰኔት ብዲቦም ወመሰል እኪት።ሕነ ለኪን ህቶም ሚ ወዱ ለገብአ ለከሰኑ፤ ህቶም ሚ ለአቀርቦቲ ለከሰኑ። እግልሚ ቀሽ ለቤለየ ወዴ እንዲኢኮን ቀሽ ለወደየ ኢቲዴ ሰበት ልትበህል።

ወድ ሕድሩ ምን ምሕላብ



አትሌት ተክለማርያም 1ይ ፈግረ

ጊዮን ግንፋኦ ሐመ



ወድ ኤረትሮፖላኒክ ላቲ አትሌት ተክለማርያም መድሕን፡ የም 18 ዩናይትድ 2015 እት ሰግንዮ እት ገአ ዕልብ 33 እድንያይ ጅግረ ሰዐይ 'ዳ ኢታሊክ' 1ይ እንዴ ፈግረ፡ እት ቀበት 2 ሳምን ዐውቲ ናይር ሰጅለ።

እትሲ ድቁሞ ወላድ ኬንያ ወኡጋንዶ ለልትረከቦ እቶም ስሙያም አትሌታት

ለሻረከው እቲ 10.8 ኪሎ ምትር ለገልብብ ብድረ፡ አትሌት ተክለማርያም፡ እግለ 2ይ ለፈግረ ወድ ኬንያ ጃይሩስ ቢሬክ እብ 11 ሳንዩት እንዴ በድረዩ እብ 32 ደቂቀት ወ27 ሳንዩት ቱ ለተዐወተ።

ወድ ኤረትሮፖላኒክ አትሌት ተክለማርያም መድሕን፡ እት የም 11 ዩናይትድ እት ዕልብ 60 እድንያይ ብድረ ሳንሲባስትያን

ሰግንዮ እግለ 3 ሰነት ደርብ ሕድ ዐውቲ ክም ሰጅለ ልትህደግ።

እት ብድረ፡ አትሌት ተክለማርያም እግለ ብድራሁ እብ 30 ደቂቀት ወ45 ሳንዩት እንዴ አትመመ፡ ምስለ እግለ 47 ሰነት እንዴ ኢልትገዋ ለጸንሐ ቅያስ ክም ሳው ሸበክት ሐብሬ 'ያዩ' ክም ሸርሐት ልትአመር።



ፕሪመርሊግ አርሰናል ሲቲ አንቀፈ

እት እብ ፕሪመርሊግ ለልትአመር ደውሪ ኮበሪት እግር እግሊዝ ፈሪቅ አርሰናል እግለ አግደ መትጃግራይ ፈሪቅ ፔልሲ ላቲ ፈሪቅ ማንፔስተር ሲቲ እንዴ ቀልበ እግለ እት ሮሻን ለህለ ፈሪቅ ፔልሲ ሕሳሉ ጥሉቅ እግሉ ህለ።

እት ሐልፈት ሰንበት ዐባይ እግለ እብ ትጃሪ ዱባይ ላቲ ሺክ መንሱር ቢን ዛይድ ለልትመወል ፈሪቅ ማንፔስተር ሲቲ እት ስታድዩም እል - እት ሓ ድ ሲቲ ወአርሰናል ለወድው ትልህ እግለ ልትፈረጅ ብዙሕ ፈታይ ኮበሪት እግር ሜዳን ምን ጌዳን እት ጌዳን ሐቀለ መልክ ትልህ ተአንበተት።

መተልህዩት አርሰናል ምን መትአንባት ትልህ እግለ መተልህዩት ሲቲ ኮበሪት እንዴ መልከው ምናም እብ ኩሉ ዘደዎም። አግደ ዐውቲ አርሰናል ክመ

ፈን ቱክኒክ ናይ ትልህ 4-1-4-1 ዝያደ ክም ነፍዐቶ ሐበረው። እሲ ህዩ እግለ ሐቆ ሰነት 2010 እት ስታድዩም ማን/ሲቲ ዕውት ለኢዐለ ሼንገር አሸነዩ። ሙደርብ



ሲቲ ቢልገራኒ አርሰናል ዐውቲ ወጅቦም እብ ኩሉ ዛይዳምን ዐለው እት ልብል ሐጪር በሊሰ ሀቡ። እትለ ትልህ እል ለእግል አርሰናል ለዐወተዩ ጎላት ቀደም ዕርፍ እብ ካዘርለ ምን ሪገሌ ወሐቆ ዕርፍ እብ ጅሩድ ተን ሰጅለዩ። እብ ፍንቱይ ካዘርለ እትለ ትልህ እል ለእግል እት ለአርኤ እብ ሙደርቡ ልግበእ ወሙአይደት አርሰናል ሐምዴ ረክቡ።

እብ ገሌ ሙሐሊሊን እት ሸበክት ርያደት ናይ bbc ክትባሙ ለህለው፡ ሙደርብ አርሰናል አርሰንን ሼንገር ለትነፈዐ እቡ

ለልትሐመድ ትልህ እት ለአርኤ እብ ሙደርቡ ልግበእ ወሙአይደት አርሰናል ሐምዴ ረክቡ።



እት ብዕድ ትልህ ዌስትሃም እግለ ሃል-ሲቲ 3-0፡ አሰቶንቪሊ እግለ ሊቨርፑል 2-0፡ ማንፔስተር ዩናይትድ እግለ ኪይው/ፒ/አር 2-0፡ ፔልሲ እግለ ሰዋንሲ 5-0፡ ሳውዝዝምቶን እግለ ኒውደካስል 2-1 ቀልበዎም።

እትሲ ደውሪ እሲ ፔልሲ 52፡ ማን/ሲቲ 47፡ ሳውዝዝምቶን 42፡ ማን/ዩናይትድ 40፡ አርሰናል 39፡ ቶትንሃም 37፡ ዌስትሃም 36፡ ሊቨርፑል 35፡ ሰዋንሲ 30 ወሰቶክ 29 ንቅጠት እንዴ ጅምዐው ምን 1ይት አሰክ 10ይ ህለው።

ሙደርብ አርሰናል እግለ ምን ኮበሪት እግለ ብዙሕ ወቅት እብ ስብር ራይም ለህለ ሚካኤል አርቴተ እግለ ሐቲ ሰነት እትፋቆየት እጅዱድ እግሉ ህለ።

ሐብሬ ትልህ

ካሰ አፍሪቃ
የም አረቡ 21/01/2015
ኢኮላተርያል ጊኒ ወ ቦርኪንፋሶ 7:00
ጋቦን ወ ኮንጎ 10:00

ክሚሽ 22/01/2015
ዛምብዌ ወ ቱኒዝያ 7:00
ጀዚረት ኬፐርድ ጅ/ኮንጎ 10:00

ጅምቦት 23/01/2015
ጋን ወ አልጄርያ 7:00
ግብሊት አፍሪቃ ወ ሲኔጋል 10:00

ሰንበት ንኢሽ 24/01/2015
አይቮራሪት ወ ማሊ 7:00
ካሚሮን ወ ጊኒ 10:00

ሰንበት ዐባይ 25/01/2015
ኮንጎ ወ ቡርኪናፋሶ 9:00
ጋቦን ወ ኢኮላተርያል ጊኒ 9:00
ኢትኒን 26/01/2015
ጀዚረት ኬፐርድ ወ ዛምብዌ 9:00
ጅ/ኮንጎ ወ ቱኒዝያ 9:00

አተሉት 27/01/2015
ሲኔጋል ወ አልጄርያ 9:00
ግብሊት አፍሪቃ ወ ጋን 9:00

ሙደርብ አርሰናል አርሰን
ሼንገር እግለ ምክፍላይ ፍጹ
ዋሪው ፍይ ለገ እብ 24
ሚልዮን ፓውንድ እንዴ ተዘበ
ምስል አርሰናል ክም ሓበሬ
ልትህደግ ህለ።

አሰክ እሲ 18 ሰነት ማልእ ለኢህለ ክሪስትያን ቢሊክ እት ምግብ ሚዳን እግለ ኮበሪት እብ ለእግለ ለሐዜ እትጃህ እት መልህያሙ እግለ ለሐልፈ ውቅል መቅደረት ለቡ እት ገብእ። ምስል ተጃርብ ወወሰኩት ዕምር እግለ አርሰናል ሲኒ ክም ሰድዩ ሰእዩት ብክ ልብል ሼንገር።


ምን አርሰናል እንዴ ኢኒሐልፍ



ሲልሽ ጃንዬር እብ ከግእ እት ፖርታሁ ሰጅለዩ።

ወድ 27 ሰነት ሚሲ እት ክል ትልህ ጎላት ሰጅል ምንመ ህለ። እት ሐልፈት ሳምን ጃእዘት ፈዳብ መተልህያይ ኮበሪት እግር እዲን እሲ ሰነት እግለ አግደ መትጃግራይ ላቲ ወድ ፖርቱጋል ክሪስትያን ሮፍልዶ ክም ተህዩበት ሲኒ ክም ተአሰፈ ልትአመር።

እት ብዕድ ትልህ ላሊግ አት ሌ ቲ ኮ ማድሪስ እግለ ግራናደ 2-0



ምን ክታብ ጃህ

መትሄራር እብ ገበይ ተለፋን ምን ጋሪትከ ለአሸንኬክ ትበህለ!



ሓይላም ወሓይሳት ቁርኣት ጀሪደት ኡረትርየ ሐዳሴ፡ እሊ ምን ሰነት ሐዳሰ እንዴ አንበትን እንቀድሙ እግልኩም ለህሌን ክቱብ፡ ምን ክታብ ጃህ ለትነሰኦ ወእባሁ እንክትቡ ለህሌን ዐገል ትግራይት ለልሐብር ክቱብ ቱ፡ ረአይኩም እት ዐገል ታምም ሕሰበት ቱ፡ ገበይ ንቃጡ፡ ውሻሉ ውበዕድ እቱ እግል ትህደጎ ወረአይኩም እግል ተህቦ ለሀደፈ ሰበት ቱ፡ ራትዕ መርበይ እት ክተበትን እግል ንተሌ እንዴ እንቤቱ እንቀድሙ ለህሌነ፡ ሰበት እሊ፡ እሊ ርክን እሊ እግልኩም ለአመመ ሰበት ቱ ረአይኩም ንታኬ፤

ከእተ ሐልፈ ክቱብን እት ሐቱ ታመት ሕሰበት ሲድየት-ውዳ'ይ ምስል ሰፊት ሐቕ ለአቱ' ሳተ ክምስል ውዳ'ይ እንዴ ገብአው እግል ሰፊት እብ ፈርድ አው እብ ብዘ'ሕ እግል ልሸርሐ ቀድሮ እተ ልብል ዐለ ክቱብ ክእነ ለመስል ገኔ ዋድያም ሰበት ዐልነ ክእነ ክምቱ ነሐብር፤

እግል መስል
ሳሌሕ ወአድም ፈዳብያም ቶም (ጊጊት)
ሳሌሕ ወአድም ፈዳብያም ቶም(ራትዐት)
ትብል ለዐለት ለቶም ለሳልፋይት በደል ቶም “ቱ” ተ ለዐለት፡ እለ ህዬ ጊጊት ትገብእ በደል እለ ለራትዐት ገበዩ፦
ሳሌሕ ወአድም ፈዳብያም ቱ (ጊጊት)
ሳሌሕ ወአድም ፈዳብያም ቶም(ራትዐት)
እንዴ ትሳምሐናተ እብለ እት ለዐል ለህሌት ገበይ እግል ትርተዕ በ፤
ሰፊት ሐቕ ንትነ'ፈዕ ህዬ፦
እትለ በዝሐት ገበይ ክቱብን እግል ዘዐት “ህዬ” “ህዬ” እንዴ ወዳናህ ንትነፈዕ እቡ እተ ዕግል ሳኪን ክእነ እግል ትግበእ ሓርያመ ህለው፡ ረአይኩም ሚቱ?

እንቱም ዕጉ'ላም ቱ፤(ጊጊት)
እንቱም ዕጉ'ላም እንቱም፤(ራትዐት)
እምበል እሊ'መ ገሌሆም መወክለት-አስማይ ወሲድየት- ውዳ'ይ እት አነኖም ንትነፈ'ዕ እቦ'ም ይህሌ'ነ፤
እግል መስል
ክርን-ገቢል ሕላይ ብዞሕ ተ ለትነፈ'ዕ፤ (ጥል'ቅት)
ክርን-ገቢል ሕላይ ብዞሕ ትትነፈ'ዕ፤ (ዕግ'ል)
ለመደር'ሲን እት ከረም ቶም ለደርሶ፤ (ጥል'ቅት)
ለመደር'ሲን እት ከረም ለደርሶ፤(ዕግ'ል)
ሰውረት አረትርየ ዲብ በርከ ተ ለተአሰ'ሰት፤ (ጥል'ቅት)
ሰውረት አረትርየ ዲብ በርከ ተአሰሰት፤ (ዕግ'ል)
ለምሔርበት እንሰር ተን አመሕበረየ፤ (ጥል'ቅት)
ለምሔርበት እንሰር አመሕበረየ፤ (ዕግ'ል)
አምነ' እት አስመረ ተ ለትነብ'ር፤ (ጥል'ቅት)
አምነ' እት አስመረ ትነብ'ር ፤ (ዕግ'ል)
እንተ ትገይስ እንተ? (ጊጊት)
እንተ ትገይስ? (ራትዐት)
እንቲ ትደርሲ እንቲ? (ጊጊት)
እንቲ ትደርሲ? (ራትዐት)

እብ ዓመ'ት “እሊ እት ለዐል ለህለ” ሲድያይ-ውዳ'ይ እግል ሰፊት ተ'ሌ እንድ-አኮን፤ እግል ውዳ'ይ ኢተሌ'፤
እግል መስል፦ “አምነ' ግርም ተ፡ሶዳን ረሓብ ተ፡ በሐር ቀየሕ ሳልመት ተ፡ እንትን ሰብ-ወቀይ እንትን፤ እንተ ዕጹ'ም እንተ” ወለመስሉ እግል ኒበል እንቀድ'ር፤ ምና'ተ ምስል ውዳ'ይ ሳኪን ገበየን ኢኮን፤
እሊ እት ጃህ ለህላቱ እትሊ ክቱብ እሊ'ገበይ ለጥም አጥዋጉ ወቀደም ትሊሁ፡ ውሻሉ ውበዕድ አብሳር ክታብቱ እቱ ረዱፍ አውመ ዐገሎት ምን ብኩም ረአይኩም ንትጸበር ህሊነ፤

ዴማት፦ ክታብ ጃህ ምን ገጽ 63-64 ለረከበ፤

ምን ቃብል ሞባይልክ ለትሸሕን አላት

ሰጌት ለአሰመዐን በሉ! ቀደም እለ ለ ገ ብ አ በጣርየት ለልሐዜ ወ ዳ እሊ ህዬ እ ን ዴ ትውሕዝ ከሀረበት

በጣርየት ሞባይልክ እት ሞባይልክ እት እንተ ምን ሪም ሐምስ ምትር ለትገቢእ ነሳፊት እግል ልትሸሕን ለተአቀድር አላት ክም ትመሀዘት ልትሐበር ህላ፤
እለ እምበል አሰላክ ከሀረበት ከሀረበት እንዴ ዐዴት ሞባይልክ እግል ልምለእ ለተአቀድር አላት እት ወክድ ሕዱድ በጣርየትክ ክም ትትመለእ ለትወዴተ፤
እሊ አሰሉብእሊ እብEnergous WattUp



ለልትበህል እት ገብእ፡ እሊ እት መዐረድ CES ለቀርበ ግዛም ቱ፤ እትሊ አያም ቅሩብ እት ዐዳገ እግል ልትከሬ ሰአየት ትገብእ እቱ፤

ለበዝሐነ አንፋር እብ ለገብእ አርእሰ እግል ከሰሱ ነፈር ነሐብር እት ህሌን ሽዑርን እተ ላይ እንራቅብ እቱ አውካድ ሰበት እንበጽሕ፡ ምን እግል ንህደግ እቡ ሓሰባም ለህሌን ጋር እንዴ አወለጥነ እተ ለኢለአትሐዜ ዝዖታት እንዴ አቱነ እምበል ልጃም ሰበት ንትዓየር ፍሬለ እግል ንህደግ እቡ ሓሰባም ለዐልነ ጋር እንዴ ይእንበትክ ንትሳረሕ፡ እትለ ጋሪት እለ ለገብአት ድራሰት ህሌት ፍገራተ ንርኤ፡፡

እለ ሐዳሰ ሳተ ድራሰት እሊ፡ እበ እት ጃማዓት ኒው ሳውዝ ዌልዝ ለልትረከቦ ባሕሲን ለገብአት እት ገብእ፡ ለገብእ ጋር እንዴ ሀረሰክ ምስለ ከሰሱ ነፈር ትትሃጌ እቡ እት ህሌክ ለመልሀይክ እተ ሓሰበ ለህሌክ ጋሪት እንዴ አተንኩበክ እግል ትትሃጌ ክም ትቤ አሰእለትክ ረአይክ



እንቱም ህዬ እብ እንክርኩም እትለ ጋሪት እለ ሚ ትብሎ ምን ተጃርብኩም? ተክተት 01/01/2015

1			18	19	20		
			2			3	21
4	22				5		
			23		6		
7		24		8			25
9			26			10	
		11			12		
	13						
14				15		27	
	16					17	

ሰአላት ተክተት

ጸጸ ጸጸም

- 1.አሰአሎት ተጅርበት
- 2.ድርጽ
- 3.ትፍ (ጥፍአት)
- 4.ዳ'ረት (ሐሊብ)
- 5.ብራቅ/እብ ሃል (ልባሰ)
- 6.ሸቅል
- 7.እጃር
- 8.ተሀርብብኩ
- 9.ቡይኣም
- 10.ርዝቅ
- 11.ሕቃብ ግሳይ
- 12.መውጃደት ተ

- 13.ኢትጃሀር እምበል ክልኢት ናይ ደነግብ ሕሩፍ
- 14.የሰበ እባህ
- 15.ሰበብ
- 16.ድድ ዋድቀት ተ
- 17.ናሸፍ

ጸጸ ጸጸ

- 1.ጽጉብ
- 3.መደርገፍ
- 5.ቅንቤት
- 6.ፋትሐ
- 7.ወፍድ

- 12.ወንን
- 13.ጃሱብ እባህ
- 15.አዚም
- 18.ከልዕ ወደ
- 19.ሰሜት ነፈር
- 20.ሀድር እምበል ሳልፋይ ሐርፍ
- 21.መሐበር ኩረት እግር አፍሪቀ
- 22.ሰድፈት
- 23.እንተ እብ እንግሊዚ
- 24.ኒበት ፈታይ
- 25.ሸድግ
- 26.ንዲ
- 27.ሀርብ